



1 ნოემბერი, 2018



ხუთშაბათი, №9 (2224)



თსუ ფრანკფურტის წიგნის ფესტივალზე მრავალფეროვანი პროგრამით წარსდგა



ივანე ჯავახიშვილის სახელობის თბილისის სახელმწიფო უნივერსიტეტი ფრანკფურტის წიგნის ბაზრობაზე, რომელიც 10-14 ოქტომბერს გაიმართა, მასშტაბური პროგრამით წარსდგა.

პროგრამა მოიცავდა როგორც სამეცნიერო და საგანმანათლებლო ლიტერატურის გამოფენას, ასევე ქართული და უცხოელი მეცნიერების საჯარო ლექციებს. პროგრამის მიზანი იყო სრულად წარმოეჩინა საუკუნეების განმავლობაში საქართველოში შექმნილი სამეცნიერო და საგანმანათლებლო მიღწევები.

ბაზრობის ფარგლებში გამოიფინა თბილისის სახელმწიფო უნივერსიტეტის გამოცემული მრავალი მწიგნობი და სპეციალურად ფრანკფურტის წიგნის ბაზრობისთვის დაგეგმილი სამეცნიერო ლიტერატურა. მათ შორის იყო პირველი დამოკრძალებული რეპროდუქციისა და უნივერსიტეტის 100 წლის იუბილესთან დაკავშირებით გამოცემული წიგნები.

თბილისის სახელმწიფო უნივერსიტეტმა ფრანკფურტის წიგნის ფესტივალზე 50-ზე მეტი სამეცნიერო წიგნი, თარგმანი და სხვადასხვა მიმართულების სამეცნიერო პერიოდული ჟურნალი გამოიფინა. პროგრამაში განსაკუთრებული ყურადღება დაეთმო რუსთველოლოგიას, როგორც ქართველოლოგიის დარგის უმნიშვნელოვანეს მიმართულებას. ამჟამად გაკეთდა მრავალწლიანი გერმანულ-ქართული სამეცნიერო თანამშრომლობის მიღწევაზე. **83. 7-10**

ნომერში

- ვატიკანის საგარეო საქმეთა მინისტრი თსუ-ში **83. 2**
- აკადემიურ საბჭოს ახალი წევრები შეემატა **83. 3**
- ახალი სახელმძღვანელო სტუდენტებისთვის **83. 4**
- გლობალიზაციის გამოწვევები ეკონომიკასა და ბიზნესში **83. 5**
- რა მიზნები აქვს ახლად შექმნილ ქართველ-რუმინულ ისტორიკოსთა კომისიას **83. 4**



- მედია: ქალურობა, დედობა, სიყვარული და მრისხანება **83. 6**
- ონკოლოგიური უროლოგიის საერთაშორისო კონგრესი **83. 6**
- საერთაშორისო კონფერენცია – „გამოყენებითი მათემატიკის თანამედროვე პრობლემები“ **83. 11**

- საერთაშორისო ქართველოლოგიური კონგრესი თსუ-სა და აკადემიაში **83. 12**
- ქართველოლოგიური კერები თურქეთში **83. 13**
- „წრე ლისზე - ოკუპაციური თერაპიის მხარდასაჭერად“ **83. 15**
- იურისტების ყველა თაობა „კაკოს ეპოქას“ იხსენებს **83. 15**
- გეოლოგების ექსპედიცია მდინარე დურუჯის ხეობის შესასწავლად **83. 12**



ვატიკანის საგარეო საქმეთა მინისტრი თსუ-ში

ნატო ობოლაძე

კავკასიის რეგიონში ვატიკანის დიპლომატიისა და მშვიდობის საკითხებზე ვატიკანის საგარეო საქმეთა მინისტრმა არქიეპისკოპოსმა პოლ რიჩარდ გალაპერმა თსუ-ში კონფერენცია გამართა. არქიეპისკოპოსმა ყურადღება გაამახვილა 2008 წლის სამხედრო მოქმედებებზე და აღნიშნა, რომ რუსეთს არ შეუძრულებია გაეროს არც ერთი რეზოლუცია და რომ ტერიტორიული პრობლემები საერთაშორისო სამართლის ნორმებით უნდა გადაწყდეს. კონფერენციაზე „წმინდა საყდრის დიპლომატიური ჩართულობა კავკასიაში მშვიდობისა და ადამიანის ღირსების ხელშეწყობის მიზნით“, წმინდა საყდრის საგარეო საქმეთა მინისტრმა ისაუბრა ვატიკანის საერთაშორისო ურთიერთობებზე და აღნიშნა, რომ „წმინდა საყდარი მხარს უჭერს ისეთ დიპლომატიას, რომელიც ადამიანებს შორის სოლიდარობას ამყარებს“. ვატიკანის საგარეო საქმეთა მინისტრმა თსუ-ის სტუდენტების კითხვებს უპასუხა, რომელიც ადამიანის უფლებებს, სამედიცინო პოლიტიკას, ტრეფიკინგს, ძალდატანებით ქორწინებასა და ეთნოკონფლიქტების მოგვარების საქმეში რელიგიის როლს ეხებოდა.

„საქართველოში ხელისუფლებისა და ადგილობრივი კათოლიკური საზოგადოების მონვევით ჩამოვედი. როგორც კონფერენციაზე გამოსვლისას აღვნიშნე, ჩვენ უფრო მეტად უნდა



გავალმავოთ ურთიერთობები, გავცვალოთ ინფორმაციები და მოსაზრებები. მსოფლიოში არსებობს უამრავი კონფლიქტი, პრობლემა ადამიანებსა, გარკვეულ ჯგუფებსა და კულტურებს შორის. ჩვენ ხელს ვუწყობთ კონფლიქტების მოსაგვარებლად დიალოგების გამართვას, ვუბიძგებთ ადამიანებს, რომ გაბედულად გამოიჩინონ ინიციატივები. საქართველოში მძიმე ვითარება იყო, ქვეყანას კი წინსვლა სურდა, ნათელი მომავლის შექმნა თავისი ხალხისა და მომავალი თაობისთვის. ჩვენი მხარდაჭერა კიდევ უფრო გაგრძელდება“, — განაცხადა არქიეპისკოპოსმა.

ვატიკანის საგარეო საქმეთა მინისტრმა საქართველოსა და წმიდა საყდრი-

სის ურთიერთობები ისტორიულ კონტექსტშიც მიმოიხილა. პოლ რიჩარდ გალაპერმა ხაზი გაუსვა, რომ „თბილისის უნივერსიტეტის ერთ-ერთი დამფუძნებელი, ცნობილი ქიმიკოსი, ქართველი კათოლიკე პეტრე მელიქიშვილი, რომელიც ამ უნივერსიტეტის პირველ რექტორად აირჩიეს, დასტურია იმისა, თუ რა როლი ითამაშეს ქართველმა კათოლიკეებმა საქართველოს ისტორიაში“. მისივე თქმით, ვატიკანი ერთ-ერთი პირველი სახელმწიფო იყო, რომელმაც საქართველოს დამოუკიდებლობა აღიარა და აქ დიპლომატიური სამსახური გამოგზავნა.

თსუ-ის რექტორის მოადგილემ ალექსანდრე ცისკარიძემ ვატიკანის საგარეო საქმეთა მინისტრის პოლ რიჩარდ გალაპერის ვიზიტი ერთ-ერთ უმნიშვნელოვანეს მოვლენად შეაფასა.

„მსოფლიოს კულტურულ, ჰუმანიტარულ, ასევე პოლიტიკურ ცხოვრებაშიც ვატიკანი მნიშვნელოვან როლს თამაშობს. მისი საქართველოში ჩამოსვლა წმინდა საყდრის მიერ საქართველოს მხარდაჭერას ნიშნავს. შეხვედრა საინტერესო წარმართა. ლექცია, რომელიც არქიეპისკოპოსმა წაიკითხა, შეეხებოდა ჰუმანიტარულ და ადამიანის უფლებების დაცვასთან დაკავშირებულ საკითხებს. მკაფიოდ გამოიკვეთა, რომ აღნიშნული საკითხები ვატიკანისთვის პრიორიტეტულია. ვფიქრობ, მისი ვიზიტი საუნივერსიტეტო ცხოვრებაში მნიშვნელოვანი მოვლენა გახლდათ. თსუ-ის 100 წლის იუბილესთან დაკავშირებული შეხვედრების ციკლი

გრძელდება“, — განაცხადა ალექსანდრე ცისკარიძემ.

კონფერენციას წმინდა საყდრის ნუნცია საქართველოში ჟოზე აველინო ბეტანკური, საქართველოში აკრედიტებული დიპლომატიური კორპუსის, აღმასრულებელი და საკანონმდებლო ხელისუფლების, სხვადასხვა კონფესიების, რელიგიათა საბჭოს, საპატრიარქოს, აკადემიური წრეების წარმომადგენლები და სტუდენტები ესწრებოდნენ.

პოლ რიჩარდ გალაპერი, ჰოდელმის ტიტულარული არქიეპისკოპოსი, წმინდა საყდრის საგარეო საქმეთა მინისტრი 1954 წლის 23 იანვარს დაიბადა. იგი მღვდლად 1977 წლის 31 ივლისს აკურთხეს. მან ასპირანტურა საერთაშორისო დიპლომატიის განხრით რომის პონტიფიკურ აკადემიაში დაამთავრა, ხოლო მოგვიანებით გრეგორიანული პონტიფიკური უნივერსიტეტიდან კანონიკურ სამართალში დოქტორის ხარისხი მიენიჭა. 1984 წელს მან წმინდა საყდრის დიპლომატიურ სამსახურში დაიწყო მუშაობა და აპოსტოლურ ნუნციად მსახურობდა ტანზანიაში, ურუგვაისა და ფილიპინებში, ასევე მსახურობდა ვატიკანის სამდივნოს სახელმწიფოებთან ურთიერთობების სექციაში და ევროპის საბჭოში (სტრასბურგი) მუდმივ დამკვირვებლად. იგი დაინიშნა აპოსტოლურ ნუნციად ბურუნდში (2004 წ.), შემდეგ გატემალაში (2009 წ.) და ავსტრალიაში (2012 წ.). 2014 წელს რომის პაპმა, ფრანცისკემ პოლ რიჩარდ გალაპერი წმინდა საყდრის საგარეო საქმეთა მინისტრად დანიშნა.



ოფიციალური გვერდი

დადგენილება №210/2018 17.10.2018

სსიპ - ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობითი საბჭოს (სენატის) წევრთა არჩევნების დანიშვნის შესახებ

საქართველოს ზოგადი ადმინისტრაციული კოდექსის 52-ე მუხლის პირველი და მე-2 ნაწილების, 53-ე მუხლის პირველი და მე-3 ნაწილების, 54-ე მუხლის პირველი ნაწილის, 55-ე მუხლის მე-2 ნაწილის, 56-ე მუხლის პირველი ნაწილის, საქართველოს განათლებისა და მეცნიერების მინისტრის 2013 წლის 11 სექტემბრის №135/ზ ბრძანებით დამტკიცებული „საჯარო სამართლის იურიდიული პირის — ივანე ჯავახიშვილის სახელობის თბილისის სახელმწიფო უნივერსიტეტის წესდების“ მე-10 მუხლის, 24-ე მუხლის მე-2 პუნქტის, უნივერსიტეტის აკადემიური საბჭოს 2014 წლის 14 ივლისის №73/2014 დადგენილებით დამტკიცებული აკადემიური საბჭოს რეგლამენტის მე-5 მუხლის პირველი პუნქტის „დ“ ქვეპუნქტისა და უნივერსიტეტის აკადემიური საბჭოს 2018 წლის 17 ოქტომბრის №23 სხდომის ოქმის საფუძველზე,

აკადემიური საბჭო ადგენს:

- წარმომადგენლობითი საბჭოს (სენატის) წევრთა უფლებამოსილების ვადის ამოწურვასთან დაკავშირებით, დაინიშნოს წარმომადგენლობითი საბჭოს (სენატის) წევრთა არჩევნები 2018 წლის 16 ნოემბერს.
- სსიპ — ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობითი საბჭოს 2018 წლის 16 ნოემბრის არჩევნების დადგენილ ვადებში, მოქმედ კანონმდებლობასა და შესაბამისი ინდივიდუალური ადმინისტრაციულ-სამართლებრივ აქტებთან შესაბამისობაში ჩატარება დაევალოს

- დაევალოს უნივერსიტეტის საინფორმაციო ტექნოლოგიების დეპარტამენტს.
- დადგენილების შესასრულებლად გადაცემა მასში მოყვანილ დაინტერესებულ პირთათვის დაევალოს უნივერსიტეტის კანცელარიას.
- დადგენილება ძალაში შედის კანონმდებლობით დადგენილი წესით — გამოქვეყნებისთანავე.
- კონტროლი დადგენილების შესრულებაზე დაევალოს ადმინისტრაციის ხელმძღვანელს, ნუნუ ოვსიანიკოვას.
- წინამდებარე დადგენილება დაინტერესებული პირის მიერ შეიძლება გასაჩივრდეს კანონმდებლობით დადგენილი წესით ძალაში შესვლის დღიდან 1 თვის ვადაში ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, მე-12 კილომეტრი, №6).

გიორგი შარვაშია,
რექტორი,
აკადემიური საბჭოს თავმჯდომარე

რა მიზნები აქვს ახლად შექმნილ ქართველ-რუმინელ ისტორიკოსთა ჯგუფს

თამარ ლალიანი

რუმინეთში საქართველოს ელჩის ნიკოლოზ ნიკოლოზიშვილის ინიციატივით ქართველ-რუმინელ ისტორიკოსთა კომისია შეიქმნა, რომლის პარტნიორიც თბილისის სახელმწიფო უნივერსიტეტი იქნება. კომისია 300 წლივან ქართულ-რუმინელ ურთიერთობათა ისტორიიდან გარკვეულ საკითხებს შეისწავლის — დანყებულებული ანთიმოზ ივერიელის, ვახტანგ VI-ისა და კონსტანტინე ბრინკოვიანუს რუმინეთთან ურთიერთობებიდან, დამთავრებული გასული საუკუნის 90-იანი წლების დასაწყისამდე, როდესაც რუმინეთმა პირველმა აღიარა საქართველოს დამოუკიდებლობა.

ისტორიკოსთა ქართულ-რუმინული კომისია ნათელს მოჰფენს ბევრისთვის დღემდე უცნობ დეტალებს ქართულ-რუმინული ურთიერთობებიდან. ისტორიკოსები ერთობლივად იმუშავებენ და ფუნდამენტალურ ნამუშევრებს მოამზადებენ.

საქართველოსა და რუმინეთის ურთიერთობა XVIII საუკუნიდან იწყება. ქართველ-რუმინელ ისტორიკოსთა კომისიის მისია სწორედ ამ დროიდან მოყოლებული უცნობი ფაქტების მოძიება და შესწავლა იქნება. შემდგომ ეს შეგროვებული მასალა დაიბეჭდება წიგნად და ამით პატივი მიეგება ორი ქვეყნის საუკუნოვან ურთიერთობებს.

როგორც თბილისის სახელმწიფო უნივერსიტეტის ბიბლიოთეკის ხელმძღვანელი ზურაბ გაიპარაშვილი ჩვენ-

თან საუბარში ამბობს, კომისიის პირველი შეხვედრა 24-27 სექტემბერს გაიმართა რუმინეთში, სადაც საქართველოდან რამდენიმე ინსტიტუცია მონაწილეობდა, მათ შორის, თბილისის სახელმწიფო უნივერსიტეტიდან კომისიაში იყვნენ თავად ზურაბ გაიპარაშვილი, ისტორიკოსი, პროფესორი მიხეილ ბახტაძე და საქართველოს ეროვნული მუზეუმისა და ეროვნული არქივის წარმომადგენლები; ასევე ის ქართველი მკვლევრებიც, რომლებიც, ამჟამად, სადოქტორო პროგრამით იმყოფებიან უცხოეთში.



„ჩვენი ინფორმაციით, საქართველოს მხრიდან მთავარი პარტნიორი სწორედ თბილისის სახელმწიფო უნივერსიტეტი. მანამდე შეხვედრა გვქონდა თსუ-ის რექტორთან გიორგი შარვაშიძესთან, რომელიც ძალიან დაინტერესდა იდეით და მხარდაჭერა აღგვითქვა.“

რუმინეთში ქართულ მხარეს მასპინძლობდა სამხრეთ-აღმოსავლეთ ევროპის სწავლებათა და ეთნოლოგიის ინსტიტუტი. შეხვედრები გვქონდა აგრეთვე რუმინელ დიპლომატებთან. შემდგომი ნაბიჯი საქართველოში რუმინელი კოლეგების ვიზიტი იქნება. ჩვენი მხრიდან უკვე გამოიკვეთა ის საკითხები, რომელზედაც ორივე მხარე იმუშავებს.

აღსანიშნავია, რომ რუმინეთის ეროვნულ არქივში ანთიმოზ ივერიელთან დაკავშირებით 250 ახალი დოკუმენტი აღმოჩნდა, თსუ-ის ბიბლიოთეკაში კი ინახება ისტორიკოსის, პროფესორ ვალერიან მაჭარაძის არქივი, სადაც იგი ამბობს, რომ XVIII საუკუნეში რუმინელი ხელისუფალნი კარგად იყვნენ ინფორმირებულნი საქართველოში მიმდინარე პროცესების შესახებ. საარქივო დოკუმენტების მიხედვით ჩანს, რომ კონსტანტინეპოლში მყოფი დეპუტატები ხელისუფლების წარმომადგენლებს საქართველოში მიმდინარე პროცესებთან დაკავშირებით აწვდიდნენ ამბებს.



საინტერესო ინფორმაციები შეიძლება აღმოჩნდეს, ასევე, როგორც ქართული, ისე რუმინული პრესის ფურცლებზეც. მნიშვნელოვანი საკვლევითი თემაა აგრეთვე 1918-1921 წლების დემოკრატიული რესპუბლიკის პერიოდის მოვლენები, მეორე მსოფლიო ომის პერიოდი, საბჭოთა საქართველოსა და საბჭოთა რუმინეთის ურთიერთობები და ასე შემდეგ. იმედი მაქვს, რომ საინტერესო კვლევები განხორციელდება და უაღრესად მნიშვნელოვანი ნაშრომები გამოქვეყნდება. აქვე გავიხსენებ ერთ საინტერესო ფაქტსაც: საგარეო საქმეთა მინისტრის მოადგილე ოფიციალურ შეხვედრაზე გვითხრა — როდესაც რუსეთის ელჩს შეხვდით, მან თავის გამოსვლაში ხაზი გაუსვა ჩვენს ქვეყნებს შორის მეგობრობის 140 წლივან ისტორიას, რაზეც მე ვუპასუხე: „არსებობს ასეთი ქვეყანა — საქართველო, რომელთანაც 300 წლივანი მეგობრობა გვაკავშირებს“.

რუმინელებს ძალიან უყვართ საქართველო. ჩვენს მეგობრობას საფუძველი ანთიმოზ ივერიელის დროს ჩაეყარა, იმედი მაქვს, ჩვენი კომისიის მუშაობის საბოლოო შედეგი ამ ურთიერთობებს კიდევ უფრო გაამყარებს და გააძლიერებს“, — განაცხადა ზურაბ გაიპარაშვილმა.

ახალი სახელმძღვანელო სტუდენტებისთვის

თამარ ლალიანი

„მთიანი ტერიტორიების მდგრადი განვითარება და რესურსების მართვა“ — ასე ჰქვია სახელმძღვანელოს, რომლის პრეზენტაციაც (19 ოქტომბერს) თბილისის სახელმწიფო უნივერსიტეტის დაარსების 100 წლისთავსა და თსუ-ის საქართველოს გეოგრაფიის კათედრის დაარსების 20 წლისთავს მიეძღვნა.

სახელმძღვანელოში, რომელიც პირველად გამოიცა, განხილულია: მდგრადი განვითარების თეორიული საფუძვლები, პრინციპები და მეთოდოლოგია; მთიანი რეგიონების ბუნებრივი და სოციალურ-ეკონომიკური თავისებურებანი; მსოფლიოს მთიანი ტერიტორიების სპეციფიკა და საკანონმდებლო რეგულაციები; გლობალური პრობლემების რეგიონული სახესხვაობანი; მსოფლიოს ცალკეული რეგიონების, კავკასიის და საქართველოს მდგრადი განვითარების აქტუალური საკითხები; მდგრადი განვითარების

რების სავსე კვლევის მეთოდოლოგია და შედეგები.

სახელმძღვანელო განკუთვნილია უმაღლესი სასწავლებლების სტუდენტებისთვის და აღნიშნული თემატიკით დაინტერესებული ფართო საზოგადოებისთვის.

წიგნის ავტორები არიან: თსუ საქართველოს გეოგრაფიისა და ლანდშაფტური დაგეგმარების კათედრის გამგე, საერთაშორისო გეოგრაფიული კავშირის ლანდშაფტური ანალიზის და ლანდშაფტური დაგეგმარების კომისიის ხელმძღვანელი, გეოგრაფიის მეცნიერებათა დოქტორი, პროფესორი ნოდარ ელიზბარაშვილი, თსუ-ის საქართველოს გეოგრაფიისა და ლანდშაფტური დაგეგმარების კათედრის ასოცირებული პროფესორი, გეოგრაფიის დოქტორი გიორგი მელაძე, სომხეთის სახელმწიფო პედაგოგიური უნივერსიტეტის პროფესორი აშოტ ხოციაანი და ბერნის (შვეიცარია) უნივერსიტეტის პროფესორები: ჰეინო მეესენი და ტომას კოლერი.

სახელმძღვანელო მომზადდა საერთაშორისო პროექტის — „მთიანი ტერიტორიების მდგრადი განვითარება და რესურსების მართვა“ ფარგლებში, რომელიც 2015-2018 წლებში ივანე ჯავახიშვილის სახელობის თბილისის სახელმწიფო უნივერსიტეტში განხორციელდა.


„პროექტი მოიცავდა ახალ ინტერდისციპლინურ მიმართულებას, რომელსაც „მთიანი ტერიტორიების მდგრადი განვითარება და რესურსების მართვა“ ჰქვია. ის ორ ძირითად საქმიანობას ითვალისწინებდა: პირველი იყო სასწავლო სახელმძღვანელოს მომზადება, გამოცემა და მისი სასწავლო პროცესში ჩართვა და მეორე — სავსე სასწავლო კურსის მომზადება და სასწავლო პროცესში ინტეგრირება. ორივე მიზანი ორი წლის წინ წარმატებით განხორციელდა როგორც თბილისის, ისე ერევნის სახელმწიფო უნივერსიტეტებში. შესაბამისი სილაბუსის პრაქტიკული კურსის სახით სახელმძღვანელო უკვე ისწავლება სამაგისტრო პროგრამის პირველ კურსზე“, — აღნიშნა წიგნის ერთერთმა ავტორმა და პრეზენტატორმა, პროფესორმა ნოდარ ელიზბარაშვილმა.

„პროექტი, რომელიც თბილისის, ერევნისა და ბერნის უნივერსიტეტების ერთობლივი ძალით განხორციელდა, ნამდვილად წინგადადგმული ნაბიჯია სასწავლო პროცესის სრულყოფის მიზნით. მნიშვნელოვანია, რომ პროექტის განხორციელებაში მონაწილეობას იღებდნენ სტუდენტებიც. სამეცნიერო ტანდემმა წარმატებით გაართვა თავი დასახულ მიზანს და დღეს ხელში გვაქვს სახელმძღვანელო, რომელიც სტუდენტებს მთიანი რეგიონების მდგრადი განვითარების თეორიულ საფუძვლებს, პრინციპებსა და მეთოდო-

ლოგიას შეასწავლის“, — განაცხადა ბერნის უნივერსიტეტის პროფესორმა, დოქტორმა ჰეინო მეესენმა.

პრეზენტაციაზე განუული საქმიანობის შესახებ ისაუბრა აგრეთვე სომხეთის პედაგოგიური უნივერსიტეტის პროფესორმა აშოტ ხოციაანმა.

წიგნის პრეზენტაციას საქართველოს განათლების, მეცნიერების, კულტურისა და სპორტის სამინისტროს, გარემოს დაცვისა და სოფლის მეურნეობის სამინისტროს, რეგიონული განვითარებისა და ინფრასტრუქტურის სამინისტროს, ეკონომიკისა და მდგრადი განვითარების სამინისტროს, WWF-ისა და „საქართველოს მწვანეთა მოძრაობა — დედამინის მეგობრების“ წარმომადგენლები, ასევე უნივერსიტეტის პროფესორები და სტუდენტები ესწრებოდნენ.



ეკონომიკა

გლობალიზაციის გამოწვევათა ეკონომიკასა და ბიზნესში

თაბარ დანიანი

თბილისის სახელმწიფო უნივერსიტეტის ეკონომიკისა და ბიზნესის ფაკულტეტის ორგანიზებით 26-27 ოქტომბერს გაიმართა III საერთაშორისო-სამეცნიერო კონფერენცია თემაზე: „გლობალიზაციის გამოწვევები ეკონომიკასა და ბიზნესში“. კონფერენციის მიზანი იყო ეკონომიკისა და ბიზნესის სფეროში ჩატარებული მეცნიერული კვლევების შედეგებისა და გამოცდილების ურთიერთგაზიარება. კონფერენციაში მონაწილეობა მიიღო 9 ქვეყნის 110-მდე ქართველმა და უცხოელმა მეცნიერ-ეკონომისტმა, რომლებმაც 120-მდე ნაშრომი და სამეცნიერო სტატია წარმოადგინეს.

კონფერენციის განმავლობაში მუშაობდა 14 სექცია: მაკროეკონომიკა, ეკონომეტრიკა (სექციის ხელმძღვანელი: პროფესორი იური ანანიავილი); ეკონომიკური პოლიტიკა (სექციის ხელმძღვანელი: პროფესორი რევაზ გველეხიანი); თეორიული ეკონომიკა, (სექციის ხელმძღვანელი: პროფესორი ელგუჯა მეჩუკაშვილი); მაკროეკონომიკა (სექციის ხელმძღვანელი: პროფესორი ნოდარ ხადური); მიკროეკონომიკა (სექციის ხელმძღვანელი: პროფესორი ვაჟა ხარაიშვილი); საერთაშორისო ეკონომიკა (სექციის ხელმძღვანელი: აკადემიკოსი, პროფესორი ავთანდილ სილაგაძე); რეგიონული ეკონომიკა (სექციის ხელმძღვანელი: პროფესორი ვაჟა ხარაიშვილი); სტატისტიკა, (სექციის ხელმძღვანელი: პროფესორი სიმონ გელაშვილი); აღრიცხვა, აუდიტი, ანალიზი (სექციის ხელმძღვანელი: პროფესორი ლევან საბაური); მარკეტინგი (სექციის ხელმძღვანელი: პროფესორი ნუგზარ თოდუა); მენეჯმენტი (სექციის ხელმძღვანელი: პროფესორი დავით ნარმანია); ტურიზმი (სექციის ხელმძღვანელი: პროფესორი იოსებ ხელაშვილი); ფინანსები, საბანკო საქმე (სექციის ხელმძღვანელი: პროფესორი ირაკლი კოვზანაძე) და ინფორმაციული ტექნოლოგიები (სექციის ხელმძღვანელი: პროფესორი დემურ სიჭინავა).

პლენარული სხდომა გახსნა ეკონომიკისა და ბიზნესის ფაკულტეტის დეკანმა, პროფესორმა გიორგი ღალანაძემ, რომელმაც აღნიშნა, რომ წლებიდან კონფერენცია ეძღვნება თსუ-ის 100 წლის იუბილეს.

„საერთაშორისო სამეცნიერო კონფერენციაზე წარმოდგენილ ნაშრომებში აქტუალური და პრობლემური საკითხებია განხილული. გლობალიზაცია არის პროცესი, რომელიც შეუქცევად ხასიათს ატარებს. სამწუხაროდ, ქართულ საზოგადოებაში არის ისეთი მოსაზრებები, რომ ჯობია რაღაც მოარული, სხვა ქვეყნიდან მოსული იდეებით ვისაზრდოთ, მაშინ, როდესაც ქართველ ეკონომისტებს აქვთ ის პრაქტიკული ცოდნა, რაც აუცილებელია სწორი გადაწყვეტილებების მისაღებად. ძალიან რთულია კონკრეტული რეცეპტის შექმნა. ჩვენ უნდა ავიღოთ გლობალიზაციისგან მაქსიმალურად ის უპირატესობა, რასაც ის იძლევა და შევამციროთ ის საფრთხეები, რასაც გლობალიზაცია ქმნის. ამაში კი ფასდაუდებელი წვლილის შეტანა შეუძლია ქართველ ეკონომისტებს“, — განაცხადა თსუ-ის ეკონომიკისა და ბიზნესის ფაკულტეტის დეკანმა გიორგი ღალანაძემ.

„ეს საკითხები აქტუალურია არა მარტო საქართველოსთვის, არამედ მთელი მსოფლიოსთვის. გლობალიზაციის და ეკონომიკური განვითარების საერთაშორისო მნიშვნელოვანი ნაბიჯები აქვს გადასადგმელი და, შესაბამისად, ჩვენი მეცნიერების რეკომენდაციებს და მეცნიერულ მიდგომებს დიდი მნიშვნელობა აქვს, რათა საქართველომ ღირსეული ადგილი დაიკავოს ამ მიმართულებით. კონფერენციის მუშაობაში მონაწილეობას იღებენ უცხოელი მომსახურელებიც, რაც ნიშნავს, რომ მიმდ-



ნარე პროცესები მათთვისაც საინტერესოა. ასევე მნიშვნელოვანია ქართველი კოლეგების მოსაზრებებიც“, — განაცხადა თსუ-ის კანცლერმა ნუნუ ოვსიანიკოვამ.

კონფერენციაზე მისასალმებელი სიტყვით გამოვიდა საქართველოს პარლამენტის დარგობრივი ეკონომიკისა და ეკონომიკური პოლიტიკის კომიტეტის თავმჯდომარე რომან კაკულია. მისი თქმით, „მსოფლიოში უკვე აღარაა მალავს, რომ გლობალიზაცია არ იყო მხოლოდ პოზიტიური შედეგების მომტანი, რომელმაც გამოიწვია კაპიტალის კონცენტრაცია იმ სუბიექტების ხელში, ვინც ისედაც ფლობდა დიდ კაპიტალს და ასევე, გარკვეულწილად, გაღარიბების ტენდენციებსაც შეუწყო ხელი. ამიტომ ისეთი მასშტაბის მქონე ქვეყნებისათვის, როგორც ჩვენ ვართ, ეს გამოწვევები ორმაგად მძაფრად დგას. ძალიან მძიმედ მოსაძებნია ოქროს შუალედი. საქართველო არ არის პირველი ქვეყანა, ვინც ამ გამოწვევის წინაშე დგას. საერთაშორისო გამოცდილება ამ თემასთან მიმართებით მნიშვნელოვანია, რათა ჩვენ ჩვენს კონკრეტულ ხედვებში ჩამოვყალიბდეთ.

გლობალიზაცია მნიშვნელოვანია ჩვენი ქვეყნისთვის, რომელიც ღია ეკონომიკის პრინციპებით ცდილობს განავითაროს ქვეყნის ეკონომიკა. საერთო მსოფლიო გლობალიზური პროცესების გათვალისწინების გარეშე არ არსებობს ეროვნული ეკონომიკის პროგრესი. ამიტომ, გლობალურ კანონზომიერებათა შეცნობა, მათი გათვალისწინება ქვეყნის ეკონომიკური განვითარების პროცესში განსაკუთრებით მნიშვნელოვანია ისეთი სახელმწიფოებისთვის, როგორც ჩვენი ქვეყანა.

ასევე უდავოა, რომ გლობალიზაციის პროცესი მოიცავს როგორც პოზიტიურ, ასევე ნეგატიურ მხარეებს. გლობალიზაციის ნეგატიურ მხარეზე საუბრისას გამოიყენებენ ამგვარ მსჯელობას: გლობალიზაცია ხელს უწყობს ეროვნული იდენტობის შესუსტებას და გაერთიანების განადგურებას. ცხადია, პრობლემა ახალი არ არის და მსოფლიო დიდი ხანია მიხვდა იმას, რომ განსაკუთრებული დამცავი მექანიზმების გარეშე ისეთი მასშტაბის ერეგმა, როგორც ჩვენ ვართ, შეიძლება სერიოზული ზიანი მიიღოს. ამდენად, ჩვენი ვალდებულე-

ბაა, ის დაცვითი მექანიზმები ავამოქმედოთ, რომლებიც ევროპულ ქვეყნებშია შემუშავებული, რომელიც ხელს შეუწყობს გლობალიზაციის პროცესის განვითარებასა და სწორად წარმართვას“, — აღნიშნა რომან კაკულიამ.

თსუ-ის პროფესორის ელგუჯა მეჩუკაშვილის განცხადებით, მისასალმებელია, რომ საერთაშორისო კონფერენცია თბილისის სახელმწიფო უნივერსიტეტში ტრადიციად იქცა: „საკითხები, რომელიც ამ კონფერენციაზე გამოდის, არა მარტო საქართველოში, მსოფლიოშიც აქტუალურია. გასული საუკუნის 90-იანი წლებიდან მოყოლებული, გლობალიზაცია მსოფლიოს განვითარების მიმართულების მთავარ განმსაზღვრელ ფაქტორად იქცა, რომელიც აქტიურ ზეგავლენას ახდენს სოციუმის ყველა მხარეზე. გლობალიზაცია რთული და კომპლექსური ფენომენია და მისი შესწავლა სხვადასხვა მეცნიერების დარგის მეშვეობით, ვინაიდან, ზოგადად, გლობალიზაციის საფუძველი და ქვეყნობის ეკონომიკის გლობალიზაციაა. ამასთანავე, დღეს გლობალიზაცია ორლესულ მახვილს წაგვავს, რაც იმაში გამოიხატება, რომ მის მოქმედებას მოაქვს როგორც პოზიტიური, ისე ნეგატიური შედეგები. თანამედროვე პირობებში გლობალიზაციის წინააღმდეგობრივ ხასიათზე ყურადღებას ამახვილებენ მსოფლიოს წამყვანი მეცნიერები. ამაზე ისაუბრა გაეროს სესიაზე გლობალიზაციის მედროვე ქვეყნის — აშშ-ის პრეზიდენტმა დონალდ ტრამპმა.

გლობალიზაციას განსაკუთრებული მნიშვნელობა აქვს ჩვენი ქვეყნისთვის. სიტუაციის სირთულე და არაორდინარობა იმაში გამოიხატება, რომ დროში ერთმანეთს დავმთხვავებთ ორი ურთულესი პროცესი — ქვეყნის პოსტკომუნისტური ტრანსფორმაცია და გლობალიზაციის პროცესში ქვეყნის ეკონომიკის ჩართვა. ასეთ პირობებში პრიორიტეტულ ამოცანას წარმოადგენს ისეთი ეკონომიკური პოლიტიკის წარმართვა, რომელიც შესაძლებელს გახდის გლობალიზაციის უარყოფითი მხარეების მაქსიმალურ ნეიტრალიზებას და დადებითი შედეგების გამოყენებას ქვეყნის ეკონომიკურ და სოციალურ განვითარებაში. ვფიქ-

რობ, სწორედ ამ საკითხებზე იქნება გამახვილებული ყურადღება კონფერენციის მონაწილეთა გამოსვლებში“.

თსუ-ის პროფესორმა, აკადემიკოსმა ვლადიმერ პაპავამ მადლობა გადაუხადა კონფერენციის ორგანიზატორებს, ყველა მონაწილეს და იმედი გამოთქვა, რომ ეს ტრადიცია სამომავლოდც გაგრძელდება. მან ნაიკითხა საინტერესო მოხსენება თემაზე: „საქართველოს ეკონომიკური მოდელი: სამომხმარებლო პარადოქსი და „ტურისტული ხაფანგი“, სადაც მან ხაზგასმით აღნიშნა, რომ „საქართველოს ეკონომიკური მოდელი ეფუძნება არა იმდენად წარმოების, არამედ მოხმარების სტიმულირებას. 2017 წელს იმპორტის 3,8-ჯერ აღქმავლობა ექსპორტს, ხოლო იმპორტული პროდუქტების წილი როგორც სამომხმარებლო, ისე სასურსათო კალათაში 80% იყო. საქართველოს მთავრობისთვის პრიორიტეტული ცოდნაზე დაფუძნებული ეკონომიკა უნდა გახდეს. ამასთან ერთად აუცილებელია სამთავრობო ხედვა ფოკუსირებულ იქნეს ეკონომიკის რეალური სექტორის განვითარებაზე მისი ინდუსტრიალიზაციის გზით“ — განაცხადა აკადემიკოსმა ვლადიმერ პაპავამ, რომელმაც საქართველოში ტურისტების განვითარების საინტერესო ხედვა წარმოადგინა. „მთავარია, რომ ეკონომიკის მხოლოდ ეს დარგი არ იყოს ქვეყნის ეკონომიკური პოლიტიკისთვის პრიორიტეტული, რადგან აუცილებელია განვითარდეს ეკონომიკის რეალური სექტორი და, მაშინ, ტურიზმი საქართველოში მართლაც გახდება წარმოების გაფართოების მამოძრავებელი ძალა. ამ არგუმენტის გასამყარებლად საკმარისია გავისხნოთ ისეთი ცნობილი ტურისტული ქვეყნები, როგორცაა, მაგალითად, შვეიცარია, საფრანგეთი, დიდი ბრიტანეთი თუ აშშ, რომლებიც არა მარტო ტურისტული ქვეყნებია, არამედ ეკონომიკური სექტორის განვითარების მრავალფეროვნებითაც გამოირჩევიან, რის გამოც ისინი განეუფლებიან განვითარებული ეკონომიკის მქონე ქვეყნების რიცხვს“, — აღნიშნა აკადემიკოსმა ვლადიმერ პაპავამ.

კონფერენციის პლენარულ სხდომაზე მოხსენებით გამოვიდა ლილის (საფრანგეთი) კათოლიკური უნივერსიტეტის პროფესორი ვერონიკა ფლამბარდი (თემა: „ეკონომიკური მდგრადობა საფრანგეთსა და ევროკავშირში“). ნაშრომში განხილული იყო მოვლენები, რომლებიც წარმოშვა გლობალიზაციის პროცესმა, ასევე ის საკითხებიც, რომლებიც გამოწვევად რჩება ქვეყნების ინტეგრაციის პროცესში.

ადგილობრივი თვითმმართველობებში თანამედროვე საჯარო მართვის ძირითადი გამოწვევების შესახებ ისაუბრა რუჟენკოვის (პოლონეთი) ტექნოლოგიური უნივერსიტეტის პროფესორმა იაცკ სტროინიმ.

პლენარულ სხდომაზე მოხსენებით გამოვიდა ვადიმ ჰეტმანის სახელობის კიევის ეროვნული ეკონომიკური უნივერსიტეტის ასოცირებული პროფესორი ტატიანა სობოლევა (თემა: ინტელექტუალური საკუთრების მართვა გლობალური ტექნოლოგიური ცვლილებების კონტექსტში“) და თსუ-ის პროფესორი იოსებ ხელაშვილი (თემა: საქართველოში ტურიზმის მდგრადი განვითარების სოციალური და ეკონომიკური გამოწვევები).

მომხსენებლებმა განხილეს მიმდინარე ეკონომიკური საკითხები, გლობალური ეკონომიკის გამოწვევები, ეკონომიკის განვითარების ძირითადი ტენდენციები. კონფერენცია, პრაქტიკულად, ყველა იმ საკითხს მოიცავდა, რაც კი აქტუალურია ეკონომიკაში ბოლო პერიოდში.

პლენარული სხდომის შემდეგ კონფერენციის მონაწილეებმა მუშაობა სექციებში განაგრძეს, სადაც საინტერესო მოხსენებები წარმოადგინეს.



მედა: ქალურობა, დედობა, სიყვარული და მრისხანება

19 ოქტომბერს ივანე ჯავახიშვილის სახელობის თბილისის სახელმწიფო უნივერსიტეტში საერთაშორისო კონფერენცია — „მედა, ქალურობა, დედობა, სიყვარული და მრისხანება“ გაიხსნა.

კონფერენციის მიზანი იყო წარმოეჩინა თანამედროვე ქალის ფსიქიკის ყველაზე სიღრმისეული ფენები ოჯახთან, შვილებთან, სიყვარულთან, სამშობლოსთან და მოვალეობებთან მისი დამოკიდებულების შესწავლის თაობაზე. კონფერენციაზე ეს საკითხი უძველესი სამყაროს კულტურული ფენომენის, ოქროს საწმისის მითის პერსონაჟის, მედეას სახის არაცნობიერი განზომილებების კვლევების საფუძველზე განიხილებოდა.

კონფერენციაზე მოხსენებით წარსდგა 15 გამოჩენილი ფსიქოანალიტიკოსი, ასევე მოწიწო შეხვედრები და გაკეთდა კლინიკური შემთხვევების ანალიზი. მონაწილეებისთვის გაიმართა რეჟისორ ზაზა ხალვაშის ფილმის „ნამე“-ს ჩვენება და განხილვა, ასევე პერფორმანსი — „ცოცხალი ხელოვნება“.



კონფერენციის პარტნიორები იყვნენ: IPA საერთაშორისო ფსიქოანალიტიკური ასოციაციის კომიტეტი — ქალები და ფსიქოანალიზი; საქართველოს ფსიქოანალიტიკური ფსიქოთერაპიის საზოგადოება; ივანე ჯავახიშვილის სახელობის თბილისის სახელმწიფო უნივერსიტეტი.

კონფერენციის გახსნას თსუ-ის რექტორი გიორგი შარვაშიძე, ფსიქოლოგიისა და განათლების მეცნიერებათა ფაკულტეტის დეკანი თამარ გაგოშიძე, საერთაშორისო ფსიქოანალიტიკური ასოციაციის წევრი ხათუნა ივანიშვილი, ქართველი და უცხოელი ფსიქოანალიტიკოსები ესწრებოდნენ.

თსუ-ის ფსიქოლოგიისა და განათლების მეცნიერებათა ფაკულტეტის დეკანის თამარ გაგოშიძის თქმით, მსგავსი ფსიქოანალიტიკური კვლევები ერთი პერიოდი მიძინებული იყო და კარგია, რომ დღეს ისევ ტარდება. „კონფერენცია საერთაშორისო ფსიქოანალიტიკური ასოციაციის, საქართველოს ფსიქოანალიტიკური ასოციაციის და თბილისის სახელმწიფო უნივერსიტეტის ერთობლივი ძალისხმევით გაიმართა და ის, პირველ რიგში, ჩვენს არაცნობიერს ეხება, იმას, რასაც ჩვენ ვერ ვაცნობიერებთ. ასპექტები: დედობა, მეუღლეობა, პარტნიორობა, მიგრაცია, ტრავმატული გამოცდილება — ასეთი მოვლენების შესწავლას და იმ ადამიანებისთვის დახმარებას, ვისაც შეიძლება ჰქონდეს სერიოზული პრობლემები, მიზნად ისახავს სწორედ ეს კონფერენცია“, — აღნიშნა დეკანმა.

საერთაშორისო ფსიქოანალიტიკური ასოციაციის წევრის ხათუნა ივანიშვილის განცხადებით, კონფერენცია საქართველოში ფსიქოანალიზისა და ფსიქოთერაპიის განვითარებისთვის ძა-

ლიან მნიშვნელოვანია. „დღევანდელი კონფერენციის მნიშვნელობა იმით განისაზღვრება, რომ ძალიან დიდი ხანია ამდენი ფსიქოანალიტიკოსი საქართველოში არ შეკრებია. ეს არის დიდი ფორუმი, რომელიც ძალიან გაამდიდრებს ქართულ ფსიქოლოგიას, ფსიქოთერაპიას და იმედი მაქვს, რომ უცხოელი კოლეგები ბევრს ნაიღებენ აქედან“, — განაცხადა ხათუნა ივანიშვილმა.

საერთაშორისო ფსიქოანალიტიკური ორგანიზაციის — „ქალები და ფსიქოანალიზი“ — პრეზიდენტის, გერტრუდა შლენინგერის ინფორმაციით, კონფერენციის მიზანია ქალსა და მამაკაცს, ქალსა და ბავშვს შორის ურთიერთობების გაძლიერება. „ვფიქრობ, მნიშვნელოვანია ფსიქოანალიტიკის გავრცელება, რათა ამ მიმართულებით სწავლაში, ტრენინგებში სიარულში ახალგაზრდა ქალებს მხარი დავეჭიროთ. უნდა მოხდეს ქალთა მდგომარეობის ფოკუსირება საქართველოში და მის მსგავს ქვეყნებში. ჩვენ უნდა გავაკეთოთ ღია ფსიქოანალიტიკური საუბრები ქალთა საკითხებზე. ცხადია, მხოლოდ ქალი არ არის მნიშვნელოვანი, მაგრამ ეს მხოლოდ დასაწყისია. ეს არის პირველი კონფერენცია, ჩვენ გვექნება კიდევ მეტი კონფერენციები აღმოსავლეთ ევროპაში“, — განაცხადა ორგანიზაციის პრეზიდენტმა.

გერმანელმა ფსიქოანალიტიკოსმა მარიანა ლეინგერბომპლენბერმა იმედი გამოთქვა, რომ კონფერენცია პროდუქტიული იქნება. „მნიშვნელოვანია, რომ საქართველოში ტარდება ეს კონფერენცია, რადგან ჩვენ ყველამ ვიცით მედეა, რომელიც აღმოსავლეთ კულტურის ერთ-ერთი ყველაზე ცნობილი ფიგურაა. ნამდვილად მშვენიერია, რომ ჩვენ ჩამოვიყვანიეთ აქ საქართველოში, საიდანაც მედეა მოდის და ჩვენ ვხვდ-



ბით აქაურ კოლეგებს. უნივერსიტეტში ვხვდებით ახალ თაობას და გააქვს მსჯელობის შესაძლებლობა“, — აღნიშნა ფსიქოანალიტიკოსმა.

კონფერენციაში მონაწილეობას იღებდნენ ფსიქოთერაპევტები და სტუდენტები საქართველოდან, გერმანიიდან, ავსტრიიდან, იტალიიდან, საფრანგეთიდან, დიდი ბრიტანეთიდან, ჩეხეთიდან, უკრაინიდან, აშშ-დან, რუსეთიდან, ირანიდან, თურქეთიდან, ლატვიიდან, ხორვატიიდან, ნიდერლანდებიდან, ფინეთიდან, ისრაელიდან.

მსგავსი მასშტაბის პროექტი, რომელიც არაცნობიერის შესწავლას ეძღვნება, საქართველოში 1979 წლის შემდეგ არ ჩატარებულა.


თსუ-ის საზოგადოებასთან ურთიერთობის დეპარტამენტი

ონკოლოგიური უროლოგიის საერთაშორისო სიმპოზიუმი

ნაბო მოლოძი

თანამედროვე მედიცინის ერთ-ერთი აქტუალური პრობლემა — უროლოგიური კიბო — განიხილეს თსუ-ში გამართულ ონკოლოგიური უროლოგიის ასოციაციის II საერთაშორისო კონგრესზე. საერთაშორისო სამეცნიერო ფორუმს ევროპის, ამერიკის, კავკასიის რეგიონის, რუსეთის, უკრაინის წამყვანი, საერთაშორისოდ აღიარებული ექსპერტები, მეცნიერები და ექიმები ესწრებოდნენ. პრაქტიკოსმა სპეციალისტებმა და მეცნიერებმა უროლოგიურ კიბოსთან ბრძოლის სხვადასხვა მეთოდები განიხილეს. კონგრესის ძირითადი მიზანი ინოვაციური სიხსნების ურთიერთგაზიარება და ქართველი ექიმების თანამედროვე მსოფლიო მედიცინის განვითარების პროცესში ჩართვა გახლდათ.

„კონფერენციაზე ვუზიარებთ ერთმანეთს ჩვენს ცოდნას, გამოცდილებას,



კვლევებს, გვაქვს კოლაბორაცია და ვქმნით ქსელებს. მოგესხენებთ, რომ ონკოლოგიური სფერო სწრაფად განვითარებადი სფეროა მედიცინის, როგორც თეორიული მიდგომების, ისე პრაქტიკული თვალსაზრისით. მათ შორისაა იმუნოთერაპია. ბოლო წლებია სხვადასხვა სიხსნები ინერგება. ექიმებმა უნდა იცოდნენ ამ ახალი მეთოდების შესახებ. ასეთი ინფორმაციის გაცვლისთვის დღევანდელი კონგრესი ძალიან მნიშვნელოვანია“, — აღნიშნა აშშ-ის უროლოგიური ონკოლოგიის ასოციაციის პრეზიდენტმა, კალიფორნიის უნივერსიტეტის უროლოგიური დეპარტამენტის თავმჯდომარემ ქრისტოფერ ევანსმა.

კონგრესი მულტიდისციპლინური გახლდათ — მასში მონაწილეობა მიიღეს უროლოგებმა, ონკოლოგებმა, რადიოლოგებმა, პათანატომებმა. განიხილეს უროლოგიური კიბოს მკურნალობის მეთოდებში არსებული სიხსნები — იგულისხმება ქირურგია, სხივური თერაპია, ქიმიოთერაპია, ჰორმონოთერაპია, იმუნოთერაპია და ლეროვანი უჯრედების მნიშვნელობა. საქართველოს ონკოლოგიური უროლოგიის ასოციაციის პრეზიდენტის, პროფესორ გურამ ქარაზანაშვილის თქმით: „უროლოგიური კიბოს, კერძოდ პროსტატის, შარდის ბუშტის და თირკმლის კიბოს მკურნალობის ტაქტიკა დაჩქარებულად იცვლება უკანასკნელი დეკადის განმავლობაში. კერძოდ, ფართოდ ინერგება მულტიმოდალური მკურნალობის სტრატეგია და ტაქტიკა. ათობით ათასი სამეცნიერო სტატია ეძღვნება ამ საკითხს ყოველწლიურად. შესაბამისად, დგება აუცილებლობა, რომ ექსპერტების მიერ ჩატარდეს ამ სიხსნების სწორი ანალიზი, რათა კლინიკური პრაქტიკაში დაინერგოს ის მეთოდები, რომელიც ყველაზე ეფექტურად და საიმედოდ უზრუნველყოფს ზემოაღნიშნულ დაავადებებთან ბრძოლას. ამ მიზნის მიღწევა შესაძლებელია მულტიდისციპ-

ლიური სამეცნიერო ფორუმების ორგანიზებით, სადაც სხვადასხვა დარგის საერთაშორისო აღიარებული ექსპერტები შეაჯამებენ არსებულ სამეცნიერო ინოვაციებს, სადაც განხორციელდება აზრთა გაცვლა, დისკუსიები. ეს უზრუნველყოფს სამეცნიერო-პრაქტიკულ პროგრესს, სპეციალისტთა ცოდნის, გამოცდილების ზრდას, პროგრესული იდეების პოპულარიზაციას და მრავალ სხვა სიკეთეს, რაც საბოლოო ჯამში მიმართული იქნება ჩვენი ქვეყნის და მსოფლიოს მოსახლეობის ჯანმრთელობის გაუმჯობესებისკენ“.

ონკოლოგიური უროლოგიის ასოციაციის მსგავსი რანგის საერთაშორისო კონგრესი საქართველოში პირველად გაიმართა. სამეცნიერო ღონისძიება როგორც მეცნიერებს, ასევე პრაქტიკოს ექიმებს, სტუდენტებსა და რეზიდენტებს აძლევს შესაძლებლობას, რომ მათ უროლოგიური კიბოს მკურნალობის მიმართულებით არსებული კვლევები, მკურნალობის ახალი სტრატეგიები გაიზიარონ და საქართველოშიც დანერგონ.

„ასეთი ტიპის კონგრესი მედიცინაში საერთაშორისო მოვლენაა. თსუ ნელს 100 წლის იუბილეს ზეიმობს, ამიტომ ბევრი ასეთი საერთაშორისო ღონისძიება აქ იმართება, მათ შორის მედიცინის მიმართულებითაც. კონგრესს ესწრებოდნენ დარგის წამყვანი სპეციალისტები სხვადასხვა ქვეყნიდან, გადამოცეს ონკოლოგიური უროლოგიაში არსებული ახალი მიღწევები, გაიმართა საინტერესო დისკუსიები. კონგრესი უმნიშვნელოვანესია მომავალი ექიმებისთვისაც, ცოდნის გადაცემა სტუდენტებისთვის და რეზიდენტებისთვის ამ სამეცნიერო ფორუმის ერთ-ერთი უმთავრესი დანიშნულებაა“, — აღნიშნა თსუ-ის რექტორის მოადგილემ, პროფესორმა ალექსანდრე ციკარიძემ.

„მოხსენებები, ძირითადად, ორი მიმართულებით მოვისმინეთ — ფაქტებზე



დაფუძნებული უროლოგია, ანუ დღევანდელი მიღწევები და ინოვაციებისა და ჰიპოთეზების პირველი გამოცდა, ტექსტირება, აპრობაცია. მნიშვნელოვანია, რომ დიდი ინტერესი იყო სტუდენტების, რეზიდენტების, ახალგაზრდა მეცნიერების მხრიდან“, — აღნიშნა თსუ-ის მედიცინის ფაკულტეტის დეკანმა, პროფესორმა დიმიტრი კორძაიამ.

ივანე ჯავახიშვილის სახელობის თბილისის სახელმწიფო უნივერსიტეტში II საერთაშორისო ონკოლოგიური კონგრესი 26 ოქტომბერს გაიხსნა. კონგრესის მიმდინარეობა პირდაპირი ტრანსლაციით გადაიციედა 2 ვებგვერდზე: mmt.ge და gaou.ge. კონგრესის სპონსორები გახლდათ MMT ჰოსპიტალი, ივანე ჯავახიშვილის სახელობის თბილისის სახელმწიფო უნივერსიტეტი და შოთა რუსთაველის საქართველოს ეროვნული სამეცნიერო ფონდი.



თბილისის სახელმწიფო უნივერსიტეტი ფრანკფურტის წიგნის ფესტივალზე მრავალფეროვანი პროგრამით წარსდგა



რების ბოლომდე მუშაობდა მასზე. მისი გამოცემის საშუალება ახლა მოგვეცა. ამ წიგნში 35000-მდე სიტყვა არის განმარტებული და თითოეულ ლექსემას ერთევის მაგალითები ძველი ქართული ენის წყაროებიდან. ეს ლექსიკონი არის ყველაზე ვრცელი და ფაქტობრივად მოიცავს ძველი ქართული ენის ლექსიკურ ფონს, — განაცხადა სოფიო სარჯველაძემ.

ქართულ-გერმანული ურთიერთობები და იონანე პეტრინის თარგმანები ფრანკფურტის ფესტივალზე

ქართულ-გერმანული სამეცნიერო ურთიერთობები იყო DAAD-ის ვიცე-პრეზიდენტის, გისენის უნივერსიტეტის პრეზიდენტის, თსუ-ის საპატიო დოქტორის ჯობრატი მუქერჯის საჯარო ლექციის მთავარი თემა ფრანკფურტის წიგნის ფესტივალზე. „თსუ-ის დამფუძნებლებს მჭიდრო კავშირი ჰქონდათ გერმანულ სამეცნიერო-საგანმანათლებლო სფეროსთან და ეს ტრადიცია დღემდე გრძელდება. ამის კარგი მაგალითია გერმანულ-ქართული სამეცნიერო ხიდი, რომელიც იულისის ცენტრისა და თსუ-ის ორგანიზებით ყოველწლიურად იმართება“, — განაცხადა მუქერჯი. მან ხაზი გაუსვა გერმანულ-ქართულ საზაფხულო სკოლას, რომელიც ახალგაზრდებისთვის საუკეთესო საშუალებას წარმოადგენს საერთაშორისო კონტაქტების დამყარებისთვის. მუქერჯის თქმით, საქართველო გერმანიისთვის მნიშვნელოვანი პარტნიორია და გერმანულ-ქართული თანამშრომლობის კარგი ნიმუშია „საქართველოს ეროვნული ატლასი“, რომელიც გერმანიის მხარე ფრანკფურტის ფესტივალისთვის გამოსცა.

ახალი საუნევერსიტეტო გამოცემები ფრანკფურტში

თბილისის სახელმწიფო უნივერსიტეტი ფრანკფურტის წიგნის ფესტივალის მეორე დღეს ახალი გამოცემებით წარსდგა. შოთა რუსთაველის „ვეფხისტყაოსნის“, სულხან-საბა ორბელიანის „სიბრძნე-სიცრუისას“ და „გილგამეშის“ მიხაკო წერეთლისეული გერმანული თარგმანები, ქართულ-ხეთური ლექსიკონი და „ზაფხულის მოკლე ღამე“ (შუმერული, აქადური და ხეთური ლოცვების და ჰიმნების ქართული თარგმანი) თსუ-ის პროფესორებმა ნინო სამსონიამ და ირინე ტატიშვილმა წარადგინეს.

ნინო სამსონიამ მეცნიერებასა და ლიტერატურაში მიხაკო წერეთლის მნიშვნელოვან როლზე ისაუბრა და აღნიშნა, რომ „მიხვილ წერეთელი შედის გილგამეშის ეპოსის მთარგმნელ-გამშიფრებელ მსოფლიო სამუღალში. მხოლოდ მსოფლიო ელიტარულ უნივერსიტეტებს აქვთ პირველად გამშიფრებული გილგამეშის ეპოსი. ჩვენი დარგის დამაარსებელს — მიხაკო წერეთელს ეკუთვნის, ასევე, „სიბრძნე-სიცრუისას“ და „ვეფხისტყაოსნის“ ძალიან მაღალი დონის თარგმანები, რასაც აღიარებს ყველა გერმანელი და ქართველი მეცნიერი“.

ირინე ტატიშვილის განცხადებით, ქართულ-ხეთური ლექსიკონი სპეციალურად ამ გამოფენისთვის პოლონეთში გამოიცა. „ამ თარგმანზე 2006 წლიდან ვმუშაობ. ეს ჩემთვის ძალიან მნიშვნელოვანია, სიცოცხლის დიდი ნაწილი მივუძღვენი ამ წიგნს. წიგნისადმი უცხოელი კოლეგების ინტერესი დიდია, რადგან ისინი ხეთურის მეშვეობით ეცნობიან ქართულ შესატყვისებს“, — აღნიშნა თსუ-ის პროფესორმა.

ამავე დღეს ფესტივალზე ძველი ქართული ფილოსოფიური კულტურის შესახებ ისაუბრა თბილისის სახელმწიფო უნივერსიტეტის პროფესორმა ლევან გიგინეიშვილმა. მან ფართო საზოგადოებას წიგნი „იონანე პეტრინის პლატონური თეოლოგია“ წარუდგინა. „მნიშვნელოვანი იყო ძველი ქართული ფილოსოფიური კულტურის წარმოჩენა. ჩვენ XII საუკუნეში გვქონდა ასეთი მაღალხარისხის თარგმანი პროკლესი, რომელიც ლათინებმა მარტო საუკუნე ნახვერის მერე გააკეთეს, და არა მარტო თარგმანი, არამედ იონანე პეტრინის მიერ მთელი ურთულესი მეტაფიზიკური ნააზრევის კრეატიული გადამშუავება ქრისტიანულ კონტექსტში“, — აღნიშნა ლევან გიგინეიშვილმა.

ფრანკფურტში დიდი ინტერესი გამოიწვია დავით მაღრაძის პოემის „ჯაკომო პონტის“ გერმანულმა თარგმანმა, რომელიც 2018 წელს გერმანულმა გამომცემლობამ Shaker Verlag-მა გამოსცა. თარგმანში პოემის შესახებ შესავალი წერილი გერმანულ პოეტსა და ლიტერატორს გრეტ რობერტ გრიუნერტს ეკუთვნის, რომელმაც ფესტივალზე პოემიდან ნაწყვეტები ლიტერატორ ნინო პოპიაშვილთან ერთად, თავადაც წაიკითხა.

საქართველოს ატლასი ფრანკფურტის ფესტივალზე

ივანე ჯავახიშვილის სახელობის თბილისის სახელმწიფო უნივერსიტეტმა, სხვა ღირსშესანიშნავ და საინტერესო გამოცემებთან ერთად, ფრანკფურტის წიგნის ბაზრობაზე საქართველოს ეროვნული ატლასის პირველ ინგლისურენოვანი გამოცემა წარადგინა. გამოცემა თსუ-ის 100

წლისთავს ეძღვნება და მისი პრეზენტაცია ფრანკფურტის წიგნის ბაზრობაზე გისენის უნივერსიტეტის პრეზიდენტის ჯობრატი მუქერჯის მოხსენების ფარგლებში გაიმართა.

საქართველოს ეროვნული ატლასი მოიცავს 100-ზე მეტ რუკას, გრაფიკებსა და ფოტოებს. იგი წარმოადგენს 2012 წელს გამოცემული ქართულენოვანი ატლასის გადამშუავებულ და განახლებულ ვერსიას. მასში საზოგადოებრივი გეოგრაფიის თემატური რუკები მთლიანადაა განახლებული, რომელთა შედგენაშიც ახალი აღწერის მასალებია გამოყენებული.

თბილისის სახელმწიფო უნივერსიტეტის რექტორის, გიორგი შარვაშიძის განმარტებით, გერმანიაში გამოცემული ატლასი, სადაც საქართველო საერთაშორისოდ აღიარებულ საზღვრებშია წარმოდგენილი, მნიშვნელოვანი სამეცნიერო და საგანმანათლებლო რესურსია ჩვენი ქვეყნის დაინტერესებული ყველა სტუდენტისა და მეცნიერისთვის.

გამოცემა თბილისის სახელმწიფო უნივერსიტეტის ვახუშტი ბაგრატიონის სახელობის გეოგრაფიის ინსტიტუტისა და გერმანიის იუსტუს ლიბისის სახელობის გისენის უნივერსიტეტის გეოგრაფიის დეპარტამენტის მიერ მომზადდა და გერმანული მხარის თანადაფინანსებით გამოიცა.

პრემიერ-მინისტრი თსუ-ის სტანდთან

საქართველოს პრემიერ-მინისტრმა მამუკა ბახტაძემ ფრანკფურტის წიგნის ბაზრობაზე საქართველოს განათლების, მეცნიერების, კულტურისა და სპორტის სამინისტროს სტენდი მოინახულა და, სხვადასხვა გამოცემებთან ერთად, თბილისის სახელმწიფო უნივერსიტეტის მრავალფეროვან სამეცნიერო ლიტერატურასაც გაცნო. სტუმრებმა თბილისის სახელმწიფო უნივერსიტეტის სახელით წარმოდგენილი 50-ზე მეტი უნიკალური გამოცემა დაათვალიერეს. მათ შორის, კ. კაუცკის წიგნის „საქართველო: გლეხთა სოციალ-დემოკრატიული რესპუბლიკა“ სამეცნიერო თარგმანი, ვ. ვოიტინის „ქართული დემოკრატია“, ალბომი — „საქართველოს დემოკრატიული რესპუბლიკის კულტურის ქრონიკები“ და სხვა.

პრემიერ-მინისტრთან ერთად, სტენდი მოინახულეს პრემიერ-მინისტრის მრჩეველმა განათლებისა და მეცნიერების დარგში მიხვილ ჩხენკელმა, საქართველოს განათლების, მეცნიერების, კულტურისა და სპორტის მინისტრმა მიხვილ ბატიაშვილმა და მინისტრთა კაბინეტის სხვა წევრებმა.

მემორანდუმში ფრანკფურტის უნივერსიტეტთან

სამეცნიერო თანამშრომლობის გაღრმავება და გაცვლითი პროგრამების ამოქმედება იყო მემორანდუმის მთავარი საკითხები, რომელსაც თბილისის სახელმწიფო უნივერსიტეტის რექტორმა გიორგი შარვაშიძემ და ფრანკფურტის უნივერსიტეტის პრეზიდენტმა ბირგიტა ვოლფმა მოაწერეს ხელი. ხელმოწერის ღონისძიებას გერმანიაში საქართველოს გენერალური კონსული იოსებ ჩხიკვიშვილი ესწრებოდა.

თბილისის სახელმწიფო უნივერსიტეტი და ფრანკფურტის უნივერსიტეტი წლებია ნაყოფიერად თანამშრომლობენ. ახალი შეთანხმების საფუძველზე ორ უნივერსიტეტს შორის თანამშრომლობა ეთნოლოგია-ეთნოგრაფიისა და ციფრული პუმანიტარის მიმართულებითაც გაძლიერდება.

თბილისის სახელმწიფო უნივერსიტეტის რექტორის გიორგი შარვაშიძის განცხადებით, ფრანკფურტის უნივერსიტეტი თსუ-ის დიდი ხნის პარტნიორია, თანამშრომლობის ფორმალუბა კი კარგი წინაპირობა იქნება ერთობლივი კვლევების წახალისებისთვის. „მემორანდუმს ხელი მოეწერა ფრანკფურტის წიგნის ბაზრობის პარალელურად. ბევრი მეცნიერი, რომელიც თანამშრომლობს ფრანკფურტის უნივერსიტეტთან, ბაზრობაზე წარმოადგენს გერმანულ კოლეგებთან ერთობლივ კვლევებს. ეს არის კარგი საშუალება, ევროპას შევახსენოთ, რომ ჩვენც ევროპელები ვართ და საქართველოში მეცნიერება კარგად არის განვითარებული“, — აღნიშნა რექტორმა.

მემორანდუმის გარდა, ხელი მოეწერა რამდენიმე ხელშეკრულებას, რომელიც სტუდენტების, მათ შორის, დოქტორანტების გაცვლით პროგრამებში მონაწილეობას და კვლევებში აქტიურ ჩართვას ითვალისწინებს. „ეს შეთანხმება არის ჩარჩო ხელშეკრულება, რომელიც გვაძლევს თანამშრომლობის გაღრმავების საშუალებას, ამასთან, სტუდენტებს და პროფესორებს ერთობლივ სამეცნიერო საქმიანობაში მონაწილეობის შესაძლებლობა მიეცემა“, — განაცხადა ფრანკფურტის უნივერსიტეტის პრეზიდენტმა ბირგიტა ვოლფმა.

უნივერსიტეტის მიერ წარმოდგენილი პროგრამის შეფასებისას, რექტორმა გიორგი შარვაშიძემ განმარტა, რომ აღნიშნული პროგრამა საერთაშორისო მასშტაბით გაზრდის ქართულ სამეცნიერო ლიტერატურაზე ხელმისაწვდომობას და ხელს შეუწყობს სამეცნიერო საზოგადოე-



თბილისის სახელმწიფო უნივერსიტეტი ფრანკფურტის წიგნის ფესტივალზე მრავალფეროვანი პროგრამით წარსდგა

ა-7 გვ-და

ბასა თუ სტუდენტებში ქართული სამეცნიერო მიღწევების პოპულარიზაციას.

„ვეფხისტყაოსნის“ კითხვის მარათონი ფრანკფურტის ფესტივალზე

ივანე ჯავახიშვილის სახელობის თბილისის სახელმწიფო უნივერსიტეტის პროგრამა ფრანკფურტის 2018 წლის წიგნის ბაზრობაზე „ვეფხისტყაოსნის“ კითხვის მარათონით სახელოდ დასრულდა. ღონისძიება თბილისის სახელმწიფო უნივერსიტეტისა და ფრანკფურტის უნივერსიტეტის ერთობლივი პროექტია, რომლის ფარგლებშიც სხვადასხვა ეროვნების სტუდენტებმა შოთა რუსთაველის უკვედავი პოემა 50 ენაზე წაიკითხეს. ეს იყო მარათონის სადემონსტრაციო ვერსია, რომელიც 2018 წლის ივნისში ფრანკფურტის უნივერსიტეტში გაიმართა და მთელი დღის განმავლობაში ორი უნივერსიტეტის სტუდენტები „ვეფხისტყაოსნის“ სხვადასხვა ენაზე, მათ შორის გერმანულად, ინგლისურად, აფხაზურად, იაპონურად, კორეულად, ჩინურად, პორტუგალიურად, უკრაინულად, ოსურად, სომხურად და აზერბაიჯანულად კითხულობდნენ.

თბილისის სახელმწიფო უნივერსიტეტის რექტორის გიორგი შარვაშიძის განცხადებით, მარათონი ძალიან შთაბეჭედავი იყო.



„ვეფხისტყაოსანი 50-ზე მეტ ენაზე თარგმნილი და დღემდე მსოფლიოს ხალხები ალტაცებული არიან რუსთაველის პოეზიით, მისი ფილოსოფიითა და ხედვით. სწორედ ეს იყო ყველაზე მთავარი გზავნილი, რომელიც ფრანკფურტის ფესტივალზე უნდა გაჟღერებულიყო: ჩვენ ვართ უდიდესი კულტურის წარმომადგენლები და თანასწორუფლებიანი ნებისმიერ კულტურულ სივრცეში, მათ შორის, რასაკვირველია, მშობლიურ ევროპულ სივრცეში“, — აღნიშნა გიორგი შარვაშიძემ.

„ვეფხისტყაოსანი 50-ზე მეტ ენაზე თარგმნილი და დღემდე მსოფლიოს ხალხები ალტაცებული არიან რუსთაველის პოეზიით, მისი ფილოსოფიითა და ხედვით. სწორედ ეს იყო ყველაზე მთავარი გზავნილი, რომელიც ფრანკფურტის ფესტივალზე უნდა გაჟღერებულიყო: ჩვენ ვართ უდიდესი კულტურის წარმომადგენლები და თანასწორუფლებიანი ნებისმიერ კულტურულ სივრცეში, მათ შორის, რასაკვირველია, მშობლიურ ევროპულ სივრცეში“, — აღნიშნა გიორგი შარვაშიძემ.

ირმა რატიანის წიგნაზე მოთხოვნა დღითიდღე იზრდება


პრეტენზია ბაროკოშილი

თსუ-ის ლიტერატურის ინსტიტუტის დირექტორის, პროფესორ ირმა რატიანის ინფორმაციით, ქართული ლიტერატურა მსოფლიოს წინაშე საკმაოდ მასშტაბურად და ღირსეულად წარმოჩინდა, ქართული სამეცნიერო ლიტერატურის სტენდმა კი, რომელიც იმ სივრცეში იყო განთავსებული, სადაც სხვა ქვეყნების სამეცნიერო ნაშრომები იყო წარმოდგენილი, იმთავითვე დიდი ინტერესი გამოიწვია.

„ფესტივალზე საქართველოს მხრიდან სხვადასხვა ინსტიტუტები მონაწილეობდნენ, თუმცა ერთმნიშვნელოვნად შეიძლება ითქვას, რომ თბილისის სახელმწიფო უნივერსიტეტს წამყვანი პოზიცია ჰქონდა. პრეზენტაციები, რომელიც კარგად იყო ორგანიზებული, ჩვენმა მეცნიერებმა ღია სცენაზე წარმოადგინეს. სასიამოვნოა ის ფაქტიც, რომ ყოველდღიურად ვხედავდით — როგორ იზრდებოდა ინტერესი ქართული სამეცნიერო ლიტერატურით დაინტერესებული მკითხველის მხრიდან“, — ამბობს ირმა რატიანი.

თსუ-ის ლიტერატურის ინსტიტუტის დირექტორმა, პროფესორმა ირმა რატიანმა ფრანკფურტის წიგნის ბაზრობაზე ორი წიგნი — „ქართული მწერლობა და მსოფლიო ლიტერატურული პროცესი“ და „ესეები ქართულ ლიტერატურაზე“ — წარადგინა. წიგნების პრეზენტაციას თსუ-ის რექტორი გიორგი შარვაშიძე წარუძღვა.

აღსანიშნავია, რომ ირმა რატიანის წიგნი „ქართული მწერლობა და მსოფლიო ლიტერატურული პროცესი“ თბილისის სახელმწიფო უნივერსიტეტის გამომცემლობამ ორჯერ — 2015 და 2018 წელს გამოსცა, 2018 წელსვე, გამომცემლობაში peter lang წიგნის ინგლისური ვერსია დაიბეჭდა, რაც ქართველი მეცნიერის უდაოდ დიდ წარმატებად უნდა ჩაითვალოს. „ჩემთვის დიდი პატივი იყო ის ფაქტი, რომ ასეთი პრესტიჟული აკადემიური გამომცემლობა, რომელიც წლების მანძილზე



მსოფლიო სამეცნიერო გამომცემლობების პირველ ხუთეულში შედის, ჩემი ნაშრომით დაინტერესდა. გამომცემლობასთან მუშაობა ორ წელზე მეტ ხანს გაგრძელდა. პირველ ეტაპზე წიგნმა გაიარა ე.წ. „ბრმა რეცენზირების“ ხანგრძლივი პროცედურა და, დადებითი დასკვნის შემდეგ, დაიწყო არანაკლებ ხანგრძლივი სარედაქციო სამუშაოები. მხოლოდ ამის შემდეგ წიგნმა დღის სინათლე იხილა. ამ წიგნში შესული მასალა მკითხველს საშუალებას აძლევს — თვალი მიადევნოს და თავად გამოიტანოს დასკვნები — თუ რა ადგილი უჭირავს ქართულ მწერლობას და როგორია მისი ჩართულობა მსოფლიო ლიტერატურულ პროცესში; რატომ შეიძლება იყოს საინტერესო მისი გაცნობა მსოფლიო სამეცნიერო წრეებისთვის და მკითხველისთვის; რა მიიღო თავად საერთაშორისო ლიტერატურული პროცესებიდან და, რაც მთავარია, რას გასცემდა თავად საერთაშორისო ლიტერატურული პროცესების შევსებისა და გაუმჯობესების მიზნით“, — ამბობს ირმა რატიანი.



როგორც მეცნიერი გვიამბობს, წიგნზე მუშაობის პროცესი უაღრესად საინტერესო და საპასუხისმგებლო იყო, კვლევის შედეგს კი დიდი მნიშვნელობა ჰქონდა იმ კუთხით, რომ ჩატარებულმა სამუშაომ აჩვენა: ქართული ლიტერატურის გააზრების გარეშე მსოფლიო ლიტერატურული რუქის დასრულება წარმოუდგენელია. ავტორის ინფორმაციით, წიგნში საუბარია — თუ როგორ ხდებოდა ქართული ლიტერატურული ნაციონალური კანონის ჩამოყალიბება; რა ფაზები გაიარა ამ კანონმა; რა კულტურული მოდელების პირობებში მოუხდა არსებობა და სხვა. „წიგნი, პირველ რიგში, ფარავს თეორიულ პრობლემებს, რომელიც უკავშირდება ქართულ ლიტერატურულ კანონს, ქართული ლიტერატურის პერიოდიზაციას, კულტურულ მოდელებთან მის დამოკიდებულებას, მეორე მხრივ, ის განიხილავს ქართულ ლიტერატურულ ისტორიას დასაბამიდან თანამედროვე პროცესებამდე. წიგნში დასმული არაერთი საკითხი, ისევე როგორც კვლევის მეთოდოლოგია, სიახლეს წარმოადგენს ქართულ ლიტერატურათმ-

ტური პროექტის — „ვეფხისტყაოსნის“ პარალელური კორპუსი“ განხორციელება, რომელშიც პროექტი მონაწილე სტუდენტები ჩაერთვებიან, რაც მათ საერთაშორისო სამეცნიერო სივრცეში ინტეგრაციას შეუწყობს ხელს.

მარათონის მონაწილე თსუ-ის სტუდენტის ელვინა აბდულაევასთვის მარათონში მონაწილეობას ორმაგი დავა ჰქონდა. „მე ვარ აფხაზეთიდან, ამიტომ მარათონში აფხაზური ენის წარდგენა ორმაგად საპასუხისმგებლო და ძვირფასი იყო. ამით მინდოდა, ხმა მიმეწვდინა ჩემი თანატოლებისთვის აფხაზეთში“, — განაცხადა მან.

ქართული ლიტერატურის შედეგრი — შოთა რუსთაველის „ვეფხისტყაოსანი“ პირველად მე-19-ე საუკუნეში ითარგმნა ევროპულ ენაზე — გერმანული მწერლის, პუბლიცისტის და მთარგმნელის არტურ ლაისტის მიერ. „ვეფხისტყაოსნის“ აღნიშნულმა თარგმანმა, რომელიც მან 1885-87 წლებში შეასრულა ილია ჭავჭავაძისა და ივანე მანაშელის დახმარებით, გზა გაუკვალა რუსთაველის უკვედავი პოემის ევროპული მკითხველისაკენ. ამ დროიდან მოყოლებული, არაერთი თარგმანი შესრულდა მსოფლიოს 50-ზე მეტ ენაზე.

„ვეფხისტყაოსნის“ კითხვის მარათონი ივანე ჯავახიშვილის სახელობის თბილისის სახელმწიფო უნივერსიტეტის 100 წლის იუბილეს მიეძღვნა.

მოამზადა მაია ტორაძემ თსუ-ის საზოგადოებასთან ურთიერთობის მასალებზე დაყრდნობით

თბილისის სახელმწიფო უნივერსიტეტი ფრანკფურტში აჩვენა, რომ უდიდეს პოპულარული გააჩნია

გვ. 9 გვ. 146

ვალს. რა თქმა უნდა, დაინტერესებაც ძალიან მაქვს.

ფესტივალის გამომცემი და გაგრძელება იყო ისიც, რომ გერმანიის ერთ-

ერთი დიდი ქალაქის, კოლნის უნივერსიტეტისა და ლევ კოპოლევის ფორუმის მიერ გამოიქვეყნა სურვილი, რომ ქართული პოეზიის საღამო და დათმობა მდინარის ნიგნის პრეზენტაცია იქაც გამართულიყო. მე, როგორც გერმანელი და ირმა შიოლაშვილი (გერმანიაში მცხოვ-

რები ქართველი პოეტი, თსუ-ის კურსდამთავრებული) წავდიოდი კოლნში და იქ ჩავატარეთ ამ წიგნების პრეზენტაცია. ლევ კოპოლევის ფორუმი მნიშვნელოვანია, ვინაიდან ის დააარსეს ცნობილმა ნობელისპირმა მწერალმა ჰაინრიხ ბიოლიმა და მისმა მეგობარმა ლევ კოპოლევა-

ემიგრანტმა მწერალმა და ჰუმანისტმა. ბედნიერი ვიყავი, რომ ამ საღამოზე გამოფენილი იყო საქართველოს რუკა თავის იურიდიულ საზღვრებში. ამით მათ კიდევ ერთხელ გვიჩვენეს, რომ პატრიუს სცემენ საქართველოს, მის სუვერენიტეტს და ტერიტორიულ მთლიანობას.

სპირალური მოგზაურობა „პირველი სამოსლის“ მოსარგებად



იურამ დორკანაშვილი, თსუ-ის პროფესორი, სოციოლოგი

2018 წლის ფრანკფურტის წიგნის ბაზრობაზე საქართველო მასპინძელი ქვეყანაა, რაც შესანიშნავ შესაძლებლობას აძლევს ჩვენს მწერლებს, ლიტერატორებს და, ზოგადად, კულტურაში ჩართულ ადამიანებს, მოიპოვონ გაცილებით ფართო ასპარეზი, მივიდნენ გაცილებით მეტ მკითხველამდე, მოკლედ, გასცდნენ ერთმანეთს.

გერმანულ ენაზე თარგმნილ და ფრანკფურტის წიგნის ბაზრობაზე გამოფენილ წიგნებს შორისაა გურამ დორკანაშვილის რომანი „სამოსელი პირველი“ (გამომცემლობა Hanser Literaturverlag; მთარგმნელები: სუზანა კიმი და ნიკოლოზ ლომთაძე). ეს წიგნი ადრეული სტუდენტობის პერიოდში წავიკითხე, მაშინ მომწონდა და იმის მერე თავს ვარიდებდი მის ხელახლა წაკითხვას, რადგან სულ მქონდა შიშნარევი განცდა, რომ ჩემი პირველი შთაბეჭდილება გაფერმკრთალდებოდა, რაც, როდესაც კი გამომიხატებდა, ძალიან სევდიანი ამბავია.

მეხარია, რომ ამ წიგნთან ხელახალმა ზიარებამ ჩემს ახალგაზრდულ ემოციასთან დამბრუნა და ეს ემოცია რომანში მოთხრობილ ამბავზე სოციოლოგიური რეფლექსიით გაამდიდრა. ქვემოთ სწორედ ასეთ — ემოციურ-სოციოლოგიური თვალით დანახულ — „სამოსელ პირველს“ გთავაზობ.

ამ წიგნის სიუჟეტური და კონცეპტუალური ნახაზი მიჰყვება სახარების იგავს „უძღები შვილის“ შესახებ (ლუკას სახარება, თავი 15). ამდენად, წიგნი აშკარად აქვს რელიგიურ-მეტაფიზიკური განზომილება. თუმცა, ჩემთვის, როგორც სოციოლოგისთვის, მნიშვნელოვანია ამ ტექსტის სოციოლოგიური განზომილება, კერძოდ, მასში აღწერილი სხვადასხვა საზოგადოებისა და სოციალური ურთიერთობების სპეციფიკა. ეს რომანი ამ თვალსაზრისითაც უაღრესად საინტერესოა.

„სამოსელი პირველი“ ახალგაზრდა მოგზაურზეა, რომელიც ერთი ადგილიდან მეორეში გადადის. ეს არ არის

უბრალოდ გადაადგილება, ეს უფრო მნიშვნელოვანი მოგზაურობაა — ყოფიერების წესის ცვლილება, როდესაც ყოველი ახალი ყოფიერება წინასგან გაუცხოება, ახალ გამოცდილებასთან ზიარება.

სოფელი ბიჭის, დომენიკოს პირველი მოგზაურობა სოფლიდან ქალაქში („ლამაზ-ქალაქში“) ხდება. რა იცვლება ქალაქურ სივრცეში? სოფელში მთავარია ნათესაური კავშირები, აქ დრო თითქოს გაჩერებულია, რადგან სიახლეს, ცვლილებას, „განუზრახველ შედეგებს“ არ გულისხმობს. სოფელში დედით ობოლი დომენიკო მოწყენილია, მისი ურთიერთობა პირველიმდე ჯგუფის — ოჯახის წევრებთან (ძირითადად, მამასთან) და ბუნებასთან სიახლოვით შემოიფარგლება. ამ უწყვეტობას, წრეში ტრიალს, არღვებს სოფელში შემოსული და სოფლის მიერ შეკედლებული ლტოლვილი, რომელსაც თაობათა შორის უცვლელ კავშირში პირველი ბზარი შეაქვს — შვილს მამისაგან განსხვავებული („მოდერნული“) ცხოვრებისკენ უბიძგებს. უფროს თაობას აღარ ძალუძს და არც უნდა შვილების ასეთ გაუცხოებას შეინიშნავს, პირიქით, მამა უბიძგებს და ეხმარება (ფინანსურად) კიდევ ვაჟიშვილს დამოუკიდებელ, სიფათიან ცხოვრებაში ჩასაბმელად...

ქალაქში დომენიკო უფრო მეტად სოციალური არსება ხდება, მრავალფეროვან ურთიერთობებში იხლართება, თითქოს მისთვის სრულიად უცნობი კერძებით დახუნძლულ სუფრაზე მოხვდა, გემოს უსინჯავს ყველაფერს — მეგობრობას, მეზობლობას, ეროტიკულ თავგადასავლებს, მუშტი-კრივს, თრობას, სიყვარულს („კაქტუსის ყვავილს“)... ჩვენს წინაშე იჭრება ქალაქელი „მრავალგანზომილებიანი“ ადამიანი, რომელიც გულუბრყვილო და მიმდობი ახალგაზრდიდან თანდათან ქალაქელ ავანტიურისტიად იქცევა და ცდილობს, რომ ფეხი აუწყოს სიჭრელს, ცდილობს, რომ გახდეს ამბივალენტური და მრავალსახოვანი...

მოგზაური დომენიკო ურბანულ სივრცესთან ადაპტაციის სხვადასხვა გაკვეთილს „ესწრება“ და სხვადასხვა სტანდარტს ითვინებს: ისმენს დუილით ყალბი პათეტიკით სავეს, თუმცა ეფექტურ (ფრთიან) და ბრძნულ შეგონებებს („წყაროდან ჭიქას ნუ წამოიღებ...“), ეუფლება გამოცდილი თანაქალაქელი ამხანაგების (მაგალითად, ტულის) მიერ შემუშავებულ ქალთან მოქცევის (უფრო ზუსტად, ქალის „შებმის“) კოდექსს („მამინვე რაიმე შეუქე, სხეულის რომელიმე ნაწილი, ოღონდ ფრთხილად, გამოზომილად“), ესწრება ალექსანდროს ფილოსოფიურ ლექციებს („ადამიანთა შორის უკეთესი ურთიერთობისთვის“), სწავლობს, გაარჩიოს საყვარელი და მეძავი („გადახე ქალი“) და ა.შ.

ასე თანდათან აღწევს თავს „სოფლებლობას“ დომენიკო, გამოდის მამის აწრდილის გავლენიდან და ხდება დამოუკიდებელი, გადანყვეტილების მიმღები... რაც უფრო დამოუკიდებელი

ხდება, მით უფრო სასტიკად ექცევა ცხოვრება, მით უფრო მეტ გამოცდას უწყობს. და დომენიკოც იღებს გამოწვევას — სიკვდილის მიერ წართმეულ სიყვარულს — ანა-მარიას (რომელიც „ქალი იყო, მაგრამ შეველს ჰგავდა“) — კიდევ უფრო დიდი განსაცდელით უბასუსრებს და ბოროტების ქალაქში — კამორაში მიდის...

კამორა დიდი საპრობოლეა, ამქვეყნიური ჯოჯოხეთი, სადაც კაცის კვალი, ლალიტი, ტყუილი, ძარცვა, ტკივილის მიყენება ნორმაა, ხოლო ერთგულება, ზრუნვა, სიყვარული, თანაგრძობა და სიკეთე — ანომია. ასეთ სივრცეს აუცილებლად სჭირდება ხისტი იერარქია და ძალაუფლების ვერტიკალური განწინილება, სადაც ვერტიკალის წვერის — ბელადის (მარშალ ბეტანკურის) და მისი გარემოცვის თვითნებობაზე და მათ მიმართ უპირობო მორჩილებაზე აგებული ძალადობის სასტიკი სისტემა. აბსოლუტური მორჩილება მხოლოდ ტოტალური შიმის — სიკვდილის შიმის ფონზე მიიღწევა. ასეთ ტოტალურ შიმისა და მორჩილებაში ეხვევა მგზავრი დომენიკო, თუმცა რალა დომენიკო — კამორის ბელადთა (სამხედრო დიქტატორთა) ბატონობის საცეცხე სხვა ქალაქებსა და სოფლებსაც სწვდება და ადამიანებს იმონებს და მათით დასახლებულ ადგილებს იტაცებს.

მიუხედავად ამისა, მონობა და ჩავარა არ შეიძლება იყოს მარადიული, რადგან ის ადამიანის ბუნებას, მისი არსებობის ძირითად მოდუსს ეწინააღმდეგება. ეს მოდუსი — თავისუფლებაა. დაპრობილ ადამიანებში თანდათან იღვიძებს თავისუფლების ნყურეილი და, შესაბამისად, პროტესტის და ჯანყის განცდა მოძალადეების მიმართ. ეს არ არის მხოლოდ პიროვნული (ინდივიდუალური) თავისუფლების გაძარჩენა; ინდივიდუალური თავისუფლება უშუალოდ იქცევა თვისუფლებად, ნაკლოვანია თავისუფალი სამშობლოს, საკუთარი მიწის გარეშე. თავისუფლების ასეთი პოლისტური განცდა ჯერ ზნეობრივ გმირებში (მენდეს მასიელი და მისი თორმეტი მოციქული) იღვიძებს, ისინი გამოდიან კამორელების მიერ ოკუპირებული ზონიდან და „ალთქმული ქალაქის“ — კანუდოსის აშენებას იწყებენ. ეს პროცესი თანდათან მასობრივი

ხდება და მასში მთავარი მოგზაურიც, დომენიკოც ერთვება. კანუდოსი, თიხის თეთრი ქალაქი, თანასწორობის, შეთანხმების, ურთიერთდახმარებისა და სიყვარულის ველია („იქ ადამიანები ძმებით არიან და თანაბრად იყოფენ ყველაფერს“).

თუმცა, თავისუფლება მსხვერპლს მოითხოვს, ეს თითქოს წინასწარ დაანონსებული, გამიზნული მსხვერპლმენიერებაა, თავისუფალ ადამიანთა ცნობიერი არჩევანია („სხვის მიწაზე მშვიდად მიცვალბას, საკუთარი ხელით ანაგები სამშობლოსათვის დაცემა გვიჯობს — სამაყო... სიხარულია...“). კანუდოსი ეცემა კამორელებთან უთანასწორო ბრძოლაში, თუმცა, ეს მარცხი უკან, მონობაში დაბრუნებას არ ნიშნავს, თავისუფლების გემო ნაგრძობია და ახალ თვისებრიობაში გადასული ადამიანები თანასწორობის დესპანებად იქცევიან დედამინაზე. ასეთ დესპანად იქცევა დომენიკოც, რომელიც მის მიერ უარყოფილ სოფელში, მამასთან ბრუნდება. ბრუნდება უზარმაზარი გამოცდილებით დატვირთული, როგორც განმანათლებელი, რომელსაც ისტორიული კანონზომიერება (დროის მანქანა, ბედი), როგორც ძირითადი „მამა-მშობელი“, მთავარ „სამოსელს“ აძლევს, ეს „სამოსელი პირველი“ არის სიტყვა („მე მოგცემ სიტყვას შენ, დომენიკო ... სამოსელი პირველია სიტყვა ... მრავალ ქვეყანას აგაშენებინებს“).

ასეთია წიგნში აღწერილი სპირალური მოგზაურობა — წინამოდერნულობიდან მოდერნულობამდე. არ უნდა დაგვაინწყდეს, რომ ეს რომანი გურამ დორკანაშვილმა 1966-78 წლებში დაწერა, საბჭოთა საქართველოს ხანაში, როდესაც ცნებები — „ეროვნული დამოუკიდებლობა“, „პიროვნული თავისუფლება“, „რწმენის თავისუფლება“ „თანასწორობა“ და ა.შ. — აკრძალული და შეწყვეტილი ცნებები იყო. ამდენად, დამაჯერებლად შეიძლება ითქვას, რომ ჩვენს წინაშეა დისიდენტური რომანი, რომელიც, გარკვეული აზრით, წინასწარმეტყველური აღმოჩნდა და დღეს, საქართველო, როგორც დამოუკიდებელი ქვეყანა (1991 წლიდან), სწორედ შემოაღწიებული პრინციპების, როგორც „პირველი სამოსლის“, მორგებას ცდილობს.



გურამ დორკანაშვილი და ალექსანდრე კარტოზია ფრანკფურტში

საინჟინერო-ტექნიკური უნივერსიტეტი

საერთაშორისო სემინარი — „გამოყენებითი მათემატიკის თანამედროვე პრობლემები“

მანია ბორაძე

19-21 სექტემბერს თბილისის სახელმწიფო უნივერსიტეტის ილია ვეკუას სახელობის გამოყენებითი მათემატიკის ინსტიტუტში საერთაშორისო სამეცნიერო კონფერენციას — „გამოყენებითი მათემატიკის თანამედროვე პრობლემები“ — უმასპინძლა. კონფერენცია მიეძღვნა თსუ-ის საუკუნოვან იუბილესა და ილია ვეკუას სახელობის გამოყენებითი მათემატიკის ინსტიტუტის დაარსების 50 წლისთავს.

კონფერენციის გახსნით სხდომაზე უნივერსიტეტის ადმინისტრაციის ხელმძღვანელმა ნუნუ ოვსიანიკოვამ ფოლკსვაგენის თანადაფინანსებით გახსნილ საერთაშორისო სადოქტორო პროგრამა „მათემატიკის“ ფარგლებში მიმდინარე საერთაშორისო სკოლის ლექტორებს, მონაწილეებს და კონფერენციაზე დამსწრე საზოგადოებას მიმართა: „50 წლის უკან საყოველთაოდ აღიარებული მეცნიერის ილია ვეკუას ინიციატივით უნივერსიტეტის კედლებში დაარსდა გამოყენებითი მათემატიკის სამეცნიერო-კვლევითი ინსტიტუტი, რომელიც დღეს დამაარსებლის სახელს ატარებს. თავის დროზე ინსტიტუტის შექმნას საფუძვლად დაედო კომპიუტერული ტექნიკის და კვლევის ახალი ტენდენციები ინტენსიური განვითარება, ქართული მათემატიკოსებისა და მექანიკოსების მსოფლიოში აღიარებული წარმატებები, მიზანი კი იყო სამეცნიერო კვლევისა და სასწავლო პროცესის ინტეგრაცია. ინსტიტუტმა მალევე მოიპოვა სახელი, როგორც ერთ-ერთმა მნიშვნელოვანმა სამეცნიერო კერამ. დღეს აქ, ინსტიტუტის სამეცნიერო პროგრამებისა და საერთაშორისო თუ ადგილობრივი გრანტების (პროექტების) ფარგლებში, მიმდინარეობს გამოყენებითი მათემატიკის აქტუალური პრობლემების კვლევა უნივერსიტეტის პროფესორ-მასწავლებლების, დოქტორანტების და მაგისტრანტების ერთობლივი ჩართულობით. ინსტიტუტში აღზრდილი მკვლევრები წარმატებით აგრძელებენ მუშაობას თავად ილია ვეკუას სახელობის გამოყენებითი მათემატიკის ინსტიტუტში. ბევრი მათგანი წარმატებით მუშაობს საზღვარგარეთის და საქართველოს სხვადასხვა სამეცნიერო ცენტრებშიც. მინდა, შემდგომი წარმატებები ვუსურვო ინსტიტუტის კოლექტივს“, — აღნიშნა ნუნუ ოვსიანიკოვამ.

დამსწრეთ უნივერსიტეტისა და ინსტიტუტის იუბილეები მიულოცეს და არსებულ კონტაქტებზე ისაუბრეს ევროპის მათემატიკური საზოგადოების პრეზიდენტმა პროფესორმა პაველ ექსნერმა (ჩეხეთი), სადოქტორო პროგრამა „მათემატიკის“ დირექტორმა, გიორგი გინაძის უნივერსიტეტის პროფესორმა რაფ მარემა (გერმანია), რომის საპრეზიდენტო უნივერსიტეტის პროფესორმა ფლავია ლანძარამ (იტალია), ფრაიბურგის უნივერსიტეტის პროფესორმა დიტმარ კრიონერმა (გერმანია), ბრემენის უნივერსიტეტის პროფესორმა რაინჰოლდ კინცლერმა, მაგდებურგის უნივერსიტეტის პროფესორმა ჰოლმ ალტენბახმა (გერმანია), ბაზილიკატის უნივერსიტეტის პროფესორმა ალბერტო ჩალდეამ (იტალია).

ბუქარესტის უნივერსიტეტის პროფესორმა, რუმინეთის მეცნიერებათა აკადემიის სიმონ სტილოვის სახელობის მათემატიკის ინსტიტუტის დირექტორმა ლუსიან ბუნენამ, იუბილეებთან დაკავშირებით, საპატიო დიპლომები გადასცა უნივერსიტეტის ადმინისტრაციის ხელმძღვანელს ნუნუ ოვსიანიკოვას და ინსტიტუტის დირექტორს, პროფესორ გიორგი ჯაიანს. ამ უკანასკნელს გადაეცა, აგრეთვე, 59-ე საერთაშორისო მათემატიკური ოლიმპიადის მედლის (კლუჟი, რუმინეთი, 2018) სასაჩუქრე ასლი. თსუ-ის პაატა გუგუშვილის სახელობის ეკონომიკის ინსტიტუტის დირექტორმა პროფესორმა რამაზ აბესაძემ ინსტიტუტს საიუბილეო ადრესი გადასცა.

კონფერენციის გახსნით სხდომაზე თსუ-ის გამოყენებითი მათემატიკის ინსტიტუტის დირექტორმა, პროფესორმა გიორგი ჯაიანმა წაიკითხა მოხსენება თემაზე: „თსუ-ის ი. ვეკუას სახელობის გამოყენებითი მათემატიკის ინსტიტუტი — 50“, ხოლო პროფესორმა თამაზ თაღუშაძემ — „მათემატიკა ივანე ჯავახიშვილის სახელობის თბილისის სახელმწიფო უნივერსიტეტში“.

პლენარული მოხსენება გააკეთა ევროპის მათემატიკური საზოგადოების პრეზიდენტმა პროფესორმა პაველ ექსნერმა (ჩეხეთი). კონფერენციის საზეიმო გახსნის შემდეგ უნივერსიტეტის სტუდენტური ფოლკლორული ანსამბლების „გორდელას“, „თბილისის“ და ქართული ცეკვების ქორეოგრაფიული ანსამბლის მონაწილეობით კონცერტი გაიმართა.

კონფერენციის შემდეგი სხდომები ჩატარდა თსუ-ის ი. ვეკუას სახელობის გამოყენებითი მათემატიკის ინსტიტუტში. კონფერენციის თემატიკა მოიცავდა: უწყვეტ გარემოთა მექანიკის მათემატიკური პრობლემებისა და ანალიზის მონათესავე საკითხების, მათემატიკური მოდელირებისა და გამოთვლითი მათემატიკის, დისკრეტული მათემატიკისა და ალგორითმების თეორიის, ალბათობის თეორიისა და მათემატიკური სტატისტიკის აქტუალურ პრობლემებს.

კონფერენციის მონაწილე უცხოელი მეცნიერები კმაყოფილებას გამოთქვამდნენ მაღალ დონეზე ჩატარებული საიუბილეო კონფერენციის გამო და აღნიშნავენ, რომ ამგვარ კონფერენციებს დიდი მნიშვნელობა ენიჭება სამეცნიერო საზოგადოების შიგნით კავშირების გაღრმავებისა და სიახლეების გაცნობის თვალსაზრისით. „უპირველეს ყოვლისა, ჩვენ ვცნობთ კოლეგების საქმიანობას, ვუზიარებთ ერთმანეთს სიახლეებს და ხშირად კონფერენცია გვევლინება ახალი სამეცნიერო ნაშრომების ინსპირაციის წყაროდ. ჩვენი თბილისში ჩამოსვლის მეორე მნიშვნელოვანი ფაქტორი არის ორმაგი იუბილე. ეს ორი თარიღი — 1918 და 1968 — სამუდამოდ ჩაინერა ისტორიაში. ჩვენ, ევროპული მათემატიკური საზოგადოების წარმომადგენლები, მუდმივად ვთანამშრომლობთ საქართველოსთან და თსუ-ის გამოყენებითი მათემატიკის ინსტიტუტთან, რომლის მიერ ორგანიზებული კონფერენციები ძალიან მაღალ შეფასებას იმსახურებს. ყველასთვის არის რაღაც ახალი ამ კონფერენციაზე. მაგალითად, მე ძალიან მომეწონა ჩემი იტალიელი კოლეგის, ფლავია ლანძარას მოხსენება/ნაშრომი. ასევე სიახლე აღმოვაჩინე სხვადასხვა მოხსენებაში. საინტერესო და ყველაზე მთავარია ის, რომ მონაწილეებს აქვთ შესაძლებლობა, გაცნონ და შეაფასონ სხვების ნაშრომები. პირველად თბილისში 1985 წელს ვიყავი. მას შემდეგაც ბევრჯერ ვწვივ, როგორც მეცნიერი და როგორც




ტურისტი“, — აღნიშნა ჩვენთან საუბარში პაველ ექსნერმა.

ბრემენის უნივერსიტეტის პროფესორმა რაინჰოლდ კინცლერმა განსაკუთრებით გამოკვეთა საქართველო-გერმანიის შორის სამეცნიერო კავშირების მნიშვნელობა და ქართველ და გერმანელ მათემატიკოსთა შორის არსებული მძლავრი კვლევითი ტრადიციები, რომლის გაღრმავებას ი. ვეკუას სახელობის გამოყენებითი მათემატიკის ინსტიტუტის მეცნიერ-თანამშრომლები და ხელმძღვანელი — პროფესორი გიორგი ჯაიანიც უწყობენ ხელს. „ეს კონფერენციები საქართველოში უკვე დიდი ტრადიციაა. 1990-1991 წლებიდან დაიწყო კოლაბორაცია ბრემენისა და თბილისის უნივერსიტეტებს შორის. აუცილებლად მინდა აღვნიშნო ჩვენი მეგობრული ურთიერთობა და ამისთვის განსაკუთრებული მადლობა გადაგიხადოთ. ჩვენ მჭიდროდ ვთანამშრომლობთ საქართველოს მათემატიკოსთა კავშირთან. ამგვარი საერთაშორისო კონფერენციები კი დადებითი მოვლენაა, რადგან ყველა გლობალური მეცნიერების ნაწილი ვართ. ადვილი არ არის საერთაშორისო სიმპოზიუმების ორგანიზება. ეს ყველაფერი აერთიანებს სხვადასხვა ქვეყნის მეცნიერებს და ითვალისწინებს კომუნიკაციას არა მხოლოდ დაწესებულებებს, არამედ მეცნიერთა შორისაც. მომავალში დაგეგმილია კონფერენცია ბრემენში. უპირველეს ყოვლი-

სა, ეს იქნება ქართულ-გერმანული მეგობრობის კვირეული და ჩართული იქნება სხვადასხვა კომპონენტი, მათ შორის, ჩვენი ქვეყნების მეგობრობასა და თანამშრომლობასთან დაკავშირებული შეხვედრებიც. ამ კონფერენციაზე შევხებით საქართველოსა და გერმანიაში არსებულ სწავლების მეთოდებს (რა არის მსგავსი და რა — განსხვავებული). ძალიან მნიშვნელოვანია ის ფაქტი, რომ საქართველო გახდა international union of theoretical and applied mechanics-ის წევრი“, — განაცხადა მან.

კონფერენციაზე მოისმინეს 15 პლენარული მოხსენება, მათ შორის, 5 მოხსენება ქართველმა მეცნიერებმა გააკეთეს. სერჯიურ სხდომებზე მოხსენებით გამოვიდა 2 დოქტორანტი: სვენი ალიევა (აზერბაიჯანი) და ლაშა ბარამიძე (საქართველო).

კონფერენციის დახურვის სხდომაზე განუხილეს მუშაობა შეჯამდა. უცხოელი მონაწილეების სახელით კონფერენციის ორგანიზატორებს მადლობა გადაუხადა პროფესორმა დიტმარ კრიონერმა. მან ხაზი გაუსვა ურთიერთსასარგებლო დისკუსიებს და კონფერენციის მაღალ დონეს, როგორც ორგანიზაციული, ასევე სამეცნიერო თვალსაზრისით. კონფერენციის მონაწილეებს გამოყენებითი მათემატიკის ინსტიტუტის დაარსებიდან 50 წლისთავის აღსანიშნავად გამოშვებული მედლები გადაეცათ.



გეოლოგიის ექსპედიცია მდინარე ღურჯის ხეობის შესასწავლად

ნაბო მოვლაძე

ტსუ-ის ზუსტ და საბუნებისმეტყველო მეცნიერებათა ფაკულტეტის გეოლოგიის დეპარტამენტის სტუდენტთა სამეცნიერო-კვლევითი ექსპედიცია წელს კახეთში მოენწყო. სტუდენტებმა გეოლოგიის დეპარტამენტის პროფესორ ბეჟან თუთბერიძისა და ასოცირებული პროფესორების გურამ ქუთელიასა და კარლო აქიმოძის ხელმძღვანელობით მდინარე ღურჯის ხეობა შეისწავლეს და რეალურად იხილეს ის, რაც მათ სასწავლო პროგრამის ფარგლებში თეორიულად უკვე შესწავლილი ჰქონდათ.

მდინარე ღურჯი ალაზნის მარცხენა შენაკადია, გაედინება ქალაქ ყვარელზე და აერთიანებს შავ და თეთრ ღურჯს. მისი სიგრძე 27 კილომეტრია, აუზის ფართობი კი — 103 კილომეტრი. მდინარე ღურჯი ხასიათდება წყალმოვარდნებით, ღვარცოფებით, რის გამოც არაერთხელ შეუქმნა საფრთხე ყვარლის მოსახლეობას. დადგენილია, რომ ბოლო 100 წლის განმავლობაში მდინარე ღურჯის ღვარცოფულ გამონატანს 200-მდე ადამიანის სიცოცხლე შეეწირა, რის გამოც მისი კალაპოტისა და სათავის კვლევას, დროულად უსაფრთხოების შესაბამისი ზომების მიღებას სასიცოცხლო მნიშვნელობა აქვს.

„ღურჯი ღვარცოფების თვალსაზრისით, საქართველოს მასშტაბით, ყველაზე პრობლემატური მდინარეა. ჩვენი მიზანი იყო — დაგვეთვალა მდინარის კალაპოტი და მისი შესაბამისი ღონისძიებები გაგვეტარებინა. ამ ექსპედიციის ფარგლებში ვნახეთ, თუ როგორ არის ანეული კალაპოტი სათავეებიდან ჩამოტანილი მასალით — დაახლოებით 7-8 მეტრი უფრო მაღლაა, ვიდრე ქალაქი ყვარელი. ამის მიზეზია მდინარის სათავეებში ძირითადი ქანების ეგზოგენური პროცესების შედეგად მონგრეული მასალის დაგროვება და შემდგომში მათი დიდი სისწრაფით გადაადგილება კლდოვან ციცაბო ფერდობებზე. შედეგად ვითარდება ძალიერი ღვარცოფული პროცესები, რაც დიდი საფრთხის შემცველია ქალაქ ყვარლისა და მისი მიმდებარე ტერიტორიისთვის.“



ბეჟან თუთბერიძე



კარლო აქიმოძე



ამ დროისთვის ხელისუფლებისგან მდინარე ღურჯს დიდი ყურადღება ეთმობა, მდინარის კალაპოტი განმედილი დაგვხვდა და მდინარის ნაკადი, ქალაქისგან საპირისპირო მხარეს, მთის კიდეებზე არის მიმართული. პირველად, ღურჯისგან ყვარლის დასახლებული პუნქტები იღია ჭაფჭაფაქემ გააკეთებინა, რომლებიც ახლაც არის შემორჩენილი. მას ილიას დამბებს უწოდებენ. სტუდენტებმა ღურჯის ხეობა, ექსპედიციის ფარგლებში, გეოლოგიური პროფილით გამოიკვლიეს“, — განაცხადა პროფესორმა ბეჟან თუთბერიძემ.

„მდინარე ღურჯის ხეობაში გასულ წელსაც გახლდით და მას შემდეგ კალაპოტის განმედილის მიზნით საკმაოდ დიდი სამუშაოებია შესრულებული. ცნობილია, რომ ღვარცოფული მოვლენები ღურჯის აუზში არაერთხელ (1889, 1904, 1949, 1990, 2002 წწ.) არის აღინიშნული. ჯერ კიდევ 1904 წელს ღვარცოფმა თითქმის ნახევარი

ყვარელი დაფარა, რის შემდეგაც ილია ჭაფჭაფაძის თაოსნობით აშენდა აქამდე შემორჩენილი ჯებირი. ყველაზე ძლიერი ღვარცოფი კი 1949 წელს მოვარდა, რომელმაც ზვიდან გადაუარა ილია-სეულ ჯებირს და თავს დაატყდა ყვარელს, რომელიც 1941-45 წ.წ. ომის დროს ბერლინის ალბანში მონაწილე სამხედრო-საავიაციო ნაწილი იყო განლაგებული. სულ რამდენიმე წუთის განმავლობაში სტიქიამ 56 ადამიანის, მათ შორის, 54 პილოტის სიცოცხლე იმსხვერპლა.

ამ დროისთვის კალაპოტი შედარებით გათავისუფლებულია, მდინარე ყვარელს დასავლეთით უვლის, საშიშროება შედარებით მცირეა. სტუდენტებმა, ამ ექსპედიციის ფარგლებში, ნახეს სელის წარმომშობი გეოლოგიური ფაქტორები. მიღებული ინფორმაცია უნდა გაანალიზონ, მოხსენებებში ასახონ და სამეცნიერო კონფერენციებზე წარმოადგინონ“, — განაცხადა გეოლო-

გიის დეპარტამენტის ასოცირებულმა პროფესორმა კარლო აქიმოძემ.

გეოლოგიის დეპარტამენტის სამეცნიერო-კვლევითი წრის სტუდენტები ექსპედიციაში ყოფნისას მიღებულ ინფორმაციასა და კვლევის შედეგებს ზუსტ და საბუნებისმეტყველო მეცნიერებათა ფაკულტეტის 78-ე სტუდენტურ სამეცნიერო კონფერენციაზე წარმოადგენენ.

„ჩვენი მიზანი იყო ღურჯის ხეობაში სელური, ღვარცოფული პროცესების ნახვა. ექსპედიციაში ყველა კურსის სტუდენტი მონაწილეობდა, თითოეული საკუთარი სასწავლო პროგრამიდან გამომდინარე აკვირდებოდა იქ არსებულ ვითარებას. ჩამოვიტანეთ სინჯები... ვაპირებთ გამოვიკვლიოთ — კონკრეტულად რა ქიმიური და ფიზიკური გარდაქმნები განაპირობებენ მდინარე ღურჯის ღვარცოფებს“, — აღნიშნა გეოლოგიის დეპარტამენტის სტუდენტთა სამეცნიერო-კვლევითი წრის ხელმძღვანელმა, IV კურსის სტუდენტმა დავით ცუცქერიძემ.

„ორდღიანი ექსპედიცია საკმაოდ ნაყოფიერი იყო ჩვენთვის. რეალურად ვნახეთ ის, რაც სასწავლო პროგრამის ფარგლებში თეორიულად ვისწავლეთ“, — გვითხრა გეოლოგიის დეპარტამენტის II კურსის მაგისტრანტმა ზურაბ ჩილინგარაშვილმა.

„ცნობილია, რომ მდინარე ღურჯის ღვარცოფული გამონატანი თავისი შედეგით ქმნის შესანიშნავ პირობებს ქინძმარაულის ყურძნის სავარგულების მოსაშენებლად. ამ მიზნით ღურჯის ღვარცოფული გამონატანიდან აღებულ ნიმუშებში ვაპირებთ დეტალური მინერალოგიური და პეტროქიმიური კვლევების ჩატარებას“, — განაცხადა გეოლოგიის დეპარტამენტის ხელმძღვანელმა, პროფესორმა ბეჟან თუთბერიძემ.

გეოლოგიის დეპარტამენტის ექსპედიცია მდინარე ღურჯზე 20-21 ოქტომბერს გაიმართა. უშუალოდ ხეობის დათვალიერება-შესწავლის გარდა, სტუდენტებმა მოინახულეს არქეოლოგიური მასალები უჯარმაში, მცოცავი მენყერები გომბორში, დაათვალიერეს თელავისა და მეფე ერეკლეს მუზეუმები, მოინახულეს გრემისა და ალავერდის სამონასტრო კომპლექსები.

საერთაშორისო ქართველოლოგიური კონგრესი ტსუ-სა და ახალციხეში

წვანე ჯავახიშვილის სახელობის თბილისის სახელმწიფო უნივერსიტეტისა და საქართველოს მეცნიერებათა ეროვნული აკადემიაში 27 სექტემბერს გაიმართა II საერთაშორისო ქართველოლოგიური კონგრესი, რომელშიც ქართველთაგან ერთად უცხოელი მეცნიერებიც მონაწილეობდნენ.

კონგრესზე წარმოდგენილი იყო ქართველოლოგიის ყველა ძირითადი მიმართულება (ქართული ენა, ლიტერატურა, საქართველოს ისტორია, არქეოლოგია, ეთნოლოგია, ქართული ხელოვნების ისტორია). კონგრესზე იმუშავა ენათმეცნიერების, ძველი და შუა საუკუნეების საქართველოს ისტორიისა

და რელიგიის, საქართველოს ახალი და უახლესი ისტორიის, ლიტერატურისა და ხელოვნების სექციებმა.


ტსუ-ის რექტორის გიორგი შარვაშიძის განცხადებით, კონგრესზე მსოფლიოს მრავალი ქვეყნიდან ჩამოვიდნენ ადამიანები, რომლებსაც უყვართ საქართველო და საქართველოს თემატიკაზე მუშაობენ. მნიშვნელოვანია, რომ კონგრესი ტსუ-ის 100 წლის იუბილეს მიეძღვნა. შესაბამისად, მეცნიერებათა აკადემიაში დაწყებული ღონისძიება თბილისის სახელმწიფო უნივერსიტეტში გაგრძელდა. ქართველი და უცხოელი მეცნიერებს საშუალება ჰქონდათ კონგრესზე წარმოედგინათ საკუთარი კვლე-

ვები, გასცნობოდნენ ქართველოლოგიის სფეროში არსებულ სიახლეებს“.

კონგრესზე, ქართველ კოლეგებთან ერთად, მოხსენებები წარსდგინა აშშ-ის (მასაჩუსეტსი), დიდი ბრიტანეთის (ლონდონი), გერმანიის (ბერლინი), საფრანგეთის (პარიზი), იტალიის (ვენეცია), შვედეთის (მალმუ), სლოვაკეთის (ბანსკა-ბისტრიცა), რუსეთის ფედერაციის (მოსკოვი, სანქტ-პეტერბურგი, სოჩი, ლონის როსტოვი, გროზნი, მაგასი), იაპონიის (ტოკიო), ისრაელის (იერუსალიმი), აზერბაიჯანის (ბაქო) წამყვანი სამეცნიერო დაწესებულებების მეცნიერები.

„ძალიან საინტერესო კონგრესია. მისმა პროგრამამ ნამდვილად დიდი შთაბეჭდილება მოახდინა ჩემზე. აქ არიან უცხოელი კოლეგები, ძველი მეგობრები. ეს არის შეხვედრის ადგილი იმ მკვლევარებისა, ვინც ქართველოლოგიის სხვადასხვა სფეროში მუშაობს“, — აღნიშნა მალმოს (შვედეთი) უნივერსიტეტის წარმომადგენელმა ქრისტინა ვამლინგმა.

„ქართველოლოგიურ კონგრესს უკვე მეორედ ატარებს საქართველოს მეცნიერებათა ეროვნული აკადემია. დღეს, დაახლოებით, 30 ქვეყნის ქართველოლოგია ჩამოსული. კონგრესზე ვაჯამებთ საქართველოში მოღვაწე ქართველოლოგების ნამუშევრებს, ვინვე უცხოელ ქართველოლოგებს და გარკვეულ მიმართულებებს ვაძლევთ სამომავლო კვლევებისთვის. ბევრ მეცნიერს ძალიან საინტერესო ნაშრომი აქვს და



ჩვენ ეს გვამდიდრებს. ვფიქრობთ, რომ ამ კონგრესს დიდი შედეგის მოტანა შეუძლია, რადგან ის მოწოდებულია ქართული კულტურის, ქართული ენისა და ლიტერატურის პოპულარიზაციისათვის“, — განაცხადა კონგრესის საორგანიზაციო კომიტეტის თავმჯდომარემ, აკადემიკოსმა როინ მეტრეველმა.

ფორუმი იმითაც არის მნიშვნელოვანი, რომ ის, მეტნაკლებად, სრულწარმოდგენას იძლევა სამაშობლო და საზღვარგარეთული ქართველოლოგიის დღევანდელი მდგომარეობის შესახებ. კონგრესი, რომლის ორგანიზატორები ტსუ-ის და საქართველოს მეცნიერებათა ეროვნული აკადემია იყვნენ, 28 სექტემბერს დასრულდა.



ქართველოლოგიური ხარაზი თურქეთში

თურქეთი, რომელიც ევროკავშირში შესასვლელად ემზადება და, შეიძლება ითქვას, უკვე მის ზღურბლზეც კი დგას, ითვალისწინებს ევროკავშირის მოთხოვნებსა და სტანდარტებს. ბოლო თხუთმეტი წლის განმავლობაში ქვეყნის მმართველი მთავრობის პოლიტიკური კურსის მიხედვით ყურადღება მიექცა თურქეთში არსებულ ენებსა და დიალექტებს, რის შედეგადაც რეგიონალურ უნივერსიტეტებში გახსნეს ქურთული, ჩერქეზული და ქართული ენებისა და ლიტერატურის განყოფილებები. თურქეთში ბილქენტის უნივერსიტეტში მუშაობის 10 წლის განმავლობაში კონფერენციებსა და სიმპოზიუმებზე ჩემს გამოვლენებს ყოველთვის ამ წინადადებით ვასრულებდი: „ჩვენ უკვე დამოუკიდებელი ქვეყანა ვართ, რომელიც თურქეთის კარის მეზობელია ჩრდილო-აღმოსავლეთი მხრიდან. ჩვენი დამოუკიდებლობა სხვა ქვეყნებთან ერთად ერთ-ერთმა პირველმა თურქეთმა ცნო. თუ საქართველოში 1944 წლიდან დღემდე არსებობს ძლიერი თურქოლოგიური სკოლა, ხოლო ბოლო პერიოდში სწრაფი ტემპით გაძლიერებულად ისწავლება თურქული ენა, თურქეთის უნივერსიტეტებში რატომ არ უნდა არსებობდეს ქართველოლოგიის განყოფილება, ცენტრი ან თუნდაც პატარა კათედრა?! სიმართლე უნდა ითქვას, ჩემი ეს მოთხოვნა ხშირად პროვოცირებული იყო თვით თურქი მეცნიერების მიერ, როგორც არიან „თურქული ლინგვისტური საზოგადოების“ მაშინდელი თავმჯდომარის მოადგილე პროფ. ჰამზა ზულფიქარი და შემდგომში თავმჯდომარე პროფ. ჰალუქ შუქრი აკალინი. ისინი ხშირად თვითონ მახსენებდნენ, რომ არ გამომჩინოვდა ეს მოთხოვნა. დღიდან საქართველოს სელსის განხილვის თურქეთში, დაწყებული პირველი ელჩით ან განსვენებული ბატონი ნოდარ კომახიძით და მოყოლებული დანარჩენი ელჩებით, ეს მოთხოვნა ყოველთვის იდგა დღის წესრიგში. და აი, მრავალწლიანმა შრომამ ნაყოფი გამოიღო, ნაბიჯ-ნაბიჯ გადაილახა ბიუროკრატიული აპარატის ყველა საფეხური და პირველად თურქეთ-საქართველოს ისტორიაში მოხდა უპრეცედენტო ფაქტი: 2005 წელს ყარსის უნივერსიტეტში გაიხსნა ქართული ენისა და ლიტერატურის განყოფილება, ხოლო 2006 სასწავლო წლიდან მან სტუდენტებიც მიიღო. ეს იყო ქართველი და თურქი დიპლომატების, მეცნიერების, ქართველი თურქოლოგების და განათლების მუშაკების უდავოდ დიდი წარმატება. ცოცხალი გამხელილი ჯოხია და ეს ჩვენი მოთხოვნა კიდევ არა ერთი ათეული წელი ივლიდა ბიუროკრატიული აპარატის სხვადასხვა საფეხურიდან საფეხურზე, რომ არა (ამას ხაზგასმით ვამბობ) დღევანდელი თურქეთის მთავრობის რადიკალურად შეცვლილი პოლიტიკური კურსი თურქეთში არსებული ადგილობრივი ენებისა და დიალექტების მიმართ.



ორმხრივი ხელშეკრულების ხელმოწერის ცერემონია გიორგი შარვაშიძესა და ნიგარ დემირჩან ჩაქარს შორის

ფილებელი აღმოჩნდა. ჯერჯერობით მთელი თურქეთის მასშტაბით ორ რაიონში ჰქონდა დადებითი გამოძახილი ამ ნაშრომებს. მარმარილოს აუზის საქარის პროვინციის სოფ. ნუროსმანიეში და ართვინის ვილაეთის დაბა მურღულში სკოლებში წარმატებით ისწავლება ქართული. მარმარილოს ზღვის რეგიონის ქართველების პლატფორმის წევრის მუსტაფა კოლატის (კოლოტაშვილის) განცხადებით, სოფელ ნურუსმანიეში მშობლებთან შეხვედრის შედეგად 30 მშობელმა განცხადება შეიტანა სკოლაში და აირჩია ქართული ენა. მუსტაფა კოლატის (კოლოტაშვილის) სკოლის დირექტორთან და რაიონის განათლების განყოფილების გამგესთან შეხვედრებმა ასეთი სასიხარულო შედეგი მოგვცა. ართვინის პროვინციის დაბა მურღულის საშუალო სკოლაში 4 წელია შეუწყვეტილი ისწავლება ქარ-

თული ენა. ამ სასწავლო წელს ისინი 23 მოსწავლით შეხვედნენ. გარდა ამისა, დუზჯეს ქართული კულტურის ასოციაციაში 2014 წლიდან მოქმედებს ქართული ენის კურსი, სადაც ქართულს დუზჯეს უნივერსიტეტის ქართველი მასწავლებლები ასწავლიან. 2014-2015 სასწავლო წელს ქართული ენის კურსი ფუნქციონირებდა საქარის პროვინციის ცენტრში, ადაფაზარში. წელს დუზჯეს პროვინციის სოფ. აიდინფინარში ადგილობრივი მოსახლეობის თაოსნობით ერთდროულად გაიხსნა ჩერქეზული და ქართული ენის კურსები. ქართული ენის კურსებზე ირიცხება 35 ახალგაზრდა, წარმოშობით ქართველები. ეს ისინი არიან, ვინც წელს ზაფხულში ანაკლიის ბანაკში დაისვენეს და იქიდან საქართველოზე უზომოდ შეყვარებულები დაბრუნდნენ. ახლა მათ სურვილი აქვთ ისწავლონ მშობლიურ



დუზჯეს უნივერსიტეტის ქართული ენისა და ლიტერატურის პედაგოგები დეკანთან და საქართველოს ელჩთან ერთად



დუზჯეს უნივერსიტეტის კავკასიოლოგიის განყოფილება, ქართველი და ჩერქეზი პედაგოგები



დუზჯეს უნივერსიტეტის რექტორი პროფ. ნიგარ დემირჩან ჩაქარი

ენაზე წერა-კითხვა. მასწავლებელი — ასოც. პროფ. ნანა კაჭარავა. სტამბოლის ბოსფორის უნივერსიტეტიდანაც მოვიდა სასიხარულო ცნობა. იქაც გრძელდება ქართულის სწავლება არჩევით საგნად, მასწავლებელი — ქ-ნი მანანა გურგენიძე.

ქართულმა საზოგადოებამ უკვე იცის, რომ თურქეთის 4 უნივერსიტეტში (ყარსის, არდაჰანის, რიზესა და დუზჯეს) გახსნილია ქართული ენისა და ლიტერატურის განყოფილებები. ართვინის უნივერსიტეტის წესდება ითვალისწინებს კავკასიოლოგიის განყოფილების გახსნას, მაგრამ, ჯერჯერობით, ამ მიმართულებას ფუნქციონირება არ დაუწყია.

ყარსის კავკასიის სახელობის უნივერსიტეტმა, როგორც რეგიონალურმა უნივერსიტეტმა, იტვირთა „პირველი მერცხლის“ ფუნქცია, ანუ პირველმა გახსნა ქართული ენისა და ლიტერატურის განყოფილება. უკვე 13 წელია,

რაც იგი ფუნქციონირებს და, ამჟამად, ოთხივე კურსზე სწავლობს 50-მდე სტუდენტი. განყოფილებაში მუშაობს 3 პედაგოგი. ერთი — მესხეთის უნივერსიტეტის კურსდამთავრებული მაია მესხიძე, რომელმაც მაგისტრის ხარისხი ანკარის უნივერსიტეტში მოიპოვა, ხოლო, ამჟამად, უკვე დაცვის სტადიაშია მისი სადოქტორო თემა ერზურუმის უნივერსიტეტში. იგი არაჩვეულებრივად ფლობს თურქულ ენას, რაც ასე საჭიროა სწავლების პროცესში. მეორე მასწავლებელია ფილოლოგიის მეცნიერებათა დოქტორი, პროფესორი თამარ ხვედელიანი, რომელიც მანამდე შოთა რუსთაველის სახ. თბილისის ლიტერატურის სამეცნიერო-კვლევით ინსტიტუტში მუშაობდა; მესამე მასწავლებელი ყარსის კავკასიის სახელობის უნივერსიტეტის ქართული ენისა და ლიტერატურის განყოფილების კურსდამთავრებული სუდან ალთუნია. მან მაგისტრის ხარისხი მოიპოვა სოსხუმის სახელმწიფო უნივერსიტეტში, ხოლო ახლა შოთა რუსთაველის სახ. ბათუმის სახელმწიფო უნივერსიტეტის დოქტორანტია.

2016 წელს მაისში ყარსის უნივერსიტეტში აღინიშნა ქართული ენისა და ლიტერატურის განყოფილების დაარსების 10 წლისთავი; ჩატარდა პოეზიის საღამო, გაჩნდა უზარმაზარი ტორტი წარწერით: „ჩვენ უკვე 10 წლისანი ვართ“. მათ ამ ხნის განმავლობაში აღზარდეს 9 თაობა, უკვე 9 გამოშვება ჰქონდათ. პირველად ყარსის უნივერსიტეტში დაინერგა 5-წლიანი სწავლება. სტუდენტები ჯერ გადიოდნენ მოსამზადებელ კურსს, რის შემდეგაც ტარდებოდა გამოცდა და ვინც გადალახავდა საჭირო ბარიერს, ხდებოდა სტუდენტი და მხოლოდ ამის შემდეგ იწყებდა ბაკალავრიატის 4 წლიან განათლებას. ამჟამად ეს წესი გაუქმებულია ყარსის უნივერსიტეტში, ისევე, როგორც თურქეთის სხვა რეგიონის უნივერსიტეტებში, ამოქმედებულია ბაკალავრიატის 4 წლიანი განათლება ქართულ ენასა და ლიტერატურაში.

ყარსის მეზობელი ვილაეთია არდაჰანი, ისტორიული არტანუჯი. აქაური ახალგაზრდა უნივერსიტეტი 2008 წლიდან არსებით და სტუდენტების მიღებაზე უკვე ჰქონდა საუნივერსიტეტო წესდებაში შეტანილი ქართული ენისა და ლიტერატურის განყოფილების გახსნა. პედაგოგები გახლავთ: მესხეთის უნივერსიტეტის პროფესორი როინ ყაზრელაშვილი; პროფესორი შურედინ მემედლი და დოცენტი გულნარა გოჯაევა-მემედოვა. ეს ორი უკანასკნელი თბილისის სულხან-საბას სახ. უნივერსიტეტის აზერბაიჯანული ენის კათედრის ყოფილი მასწავლებლები არიან. არტანუჯი ოთხივე კურსზე სულ 20 სტუდენტი ჰყავთ და ოფიციალურად მათ ჰქვიათ არდაჰანის უნივერსიტეტის სოციალურ მეცნიერებათა და ჰუმანიტარული ფაკულტეტის ქართული ენისა და ლიტერატურის განყოფილება.

მეზობელ რიზეს პროვინციაში გახსნილია რეჯებ ტაიფ ერდოღანის სახ. რიზეს უნივერსიტეტი, სადაც 2011 წლიდან არსებობს ქართული ენისა და ლიტერატურის სპეციალობა. პირველი პედაგოგი, რომელიც აქ დაინიშნა, გახლავთ პრივატ-დოცენტი ჰარუნ ჩიშქე. მისი ძალისხმევით 2015 წლის იანვარში საქართველოდან მოწვეულ იქნა ორი სპეციალისტი: ფილოლოგიის დოქტორი, პროფესორი რუსუდან სალინაძე, რომელიც ჰარუნ ჩიშქეს აღმზრდელი მასწავლებელია, ჩამოვიდა აკაკი წერეთლის სახელმწიფო უნივერსიტეტიდან (ქუთაისი); ხოლო ფილოლოგიის დოქტორი, ასოც. პროფესორი მაია კიკვიძე რიზეს ეწვია შოთა რუსთაველის სახ. ბათუმის სახელმწიფო უნივერსიტეტიდან. მათ მიერ, ჰარუნ ჩიშქესთან ერთად, მომზადდა ოთხწლიანი საგანმანათლებლო პროგრამა ქართულ ენასა და ლიტერატურაში. 2016 წელს რიზემ პირველად იხიმა ქართული ენისა და ლიტერატურის სპეციალობაზე სტუდენტთა მიღება. ახლა მათ უკვე სამი კურსი ჰყავთ. სტუდენტები

პახტანგ აბაშიძე იუბილარია

2018 წლის 9 სექტემბერს დაბადებულ 90 წელი შეუსრულდა ცნობილ ქართველ გეოფიზიკოსს, ფიზიკა-მათემატიკის მეცნიერებათა დოქტორს, მეცნიერებისა და ტექნიკის დარგის სახელმწიფო და აკად. მ. აღუქიძის სახელობის პრემიების ლაურეატს, ღირსების ორდენის კავალერს, გეოფიზიკის ინსტიტუტის გამყოფენითი და ექსპერიმენტული გეოფიზიკის სექტორის მთავარ მეცნიერ თანამშრომელს, პროფესორ ვახტანგ აბაშიძეს. ფასდაუდებელია პროფ. ვ. აბაშიძის სამეცნიერო წვლილი ქართული გეოფიზიკური მეცნიერების განვითარებაში.

თბილისის სახელმწიფო უნივერსიტეტის დამთავრების შემდეგ, 1952-1958 წწ. იგი მუშაობდა ფიზიკის ფაკულტეტის გეოფიზიკის კათედრაზე ჯერ ლაბორანტად, ხოლო 1954 წლიდან ასისტენტად. 1955-1959 წწ. მან იქვე გაიარა ასპირანტურის კურსი მაძიებლად და 1963 წელს ფიზიკის ფაკულტეტის საატესტაციო საბჭოზე დაიცვა ფიზიკა-მათემატიკის მეცნიერებათა კანდიდატის სამეცნიერო ხარისხი. 1964-1966 წწ. იგი გეოგრაფ-გეოლოგიის ფაკულტეტზე უფროსი მასწავლებლის რანგში კითხულობდა ლექციების კურსს ძიების გეოფიზიკურ მეთოდებში.

1958 წლიდან ვ. აბაშიძე გადადის სამუშაოდ საქ. მეცნ. აკადემიის გეოფიზიკის ინსტიტუტში, სადაც გაიარა ყველა თანამდებობა უმცროსი მეცნიერ-თანამშრომლიდან მთავარ მეცნიერ-თანამშრომლამდე. 1970-2005 წწ. ინსტიტუტში იგი ხელმძღვანელობდა დედაინის ქერქის დინამიკის განყოფილებას, რომლის დროს საქართველოს ტერიტორიაზე შეისწავლბოდა სიმძიმის ძალის დროში ვარიაციის საკითხი.

ინსტიტუტში მოსვლის პირველ წლებში იკვლევდა სხვადასხვა სისტემის სავლეთ გრაფიკული ტემპერატურული რეჟიმს, მისივე ხელმძღვანელობით აგებულ თერმულ კამერაში, სადაც ტემპერატურის ცვალებადობა შეიძლება -10 ± 50°C ფარგლებში. აღსანიშნავია, რომ აღნიშ-

ნული კამერით სარგებლობდნენ მოსკოველი კოლეგებიც, თავიანთი სავლეთ გრაფიკების ტემპერატურული რეჟიმის შესასწავლად. სხვათა შორის ისინი იმასაც აღნიშნავდნენ, რომ ასეთი თერმული კამერა არც იმ ქარხანას ჰქონია, სადაც ეს გრაფიკები მზადდებოდა.

1967 წლიდან ვ. აბაშიძე სათავეში ჩაუდგა მდ. ენგურზე მშენებარე თაღოვანი კაშხლის ტერიტორიაზე დახრისმზომით და ექსტენზომეტრიულ სამუშაოებს, რომელთა მიზანი იყო სტაციონარულ პირობებში თვალყური ედევნებინათ იქ მიმდინარე დეფორმაციულ პროცესებზე. განსაკუთრებით კი, მარჯვენა სანაპიროს რღვევაზე, რომელიც გადის კაშხლის მარჯვენა ფრთის ქვეშ და რომლის აქტიურობაზე დიდად არის დამოკიდებული კაშხლის მდგრადობა. 1998 წლიდან დაკვირვებები მიმდინარეობს აგრეთვე კაშხლის ტანშიც. უკვე 50 წელზე მეტია ბატონი ვახტანგი ამ საქმეს შესაშური ენთუზიაზმით ხელმძღვანელობს, რომლის შედეგებს, როგორც ზემოთ აღვნიშნეთ, უაღრესად დიდი მნიშვნელობა აქვს ამ უნიკალური თაღოვანი კაშხლის უსაფრთხო ექსპლუატაციისთვის.

1995 წელს ვ. აბაშიძემ წარმატებით დაიცვა სადოქტორო დისერტაცია თემაზე: თანამედროვე გეოდინამიკური პროცესების გეოფიზიკური მონიტორინგი (ენგურის ხეობის მაგალითზე). დისერტაციის სამეცნიერო ხელმძღვანელი იყო აკად. ბ. ბაღავაძე, რომელიც ვ. აბაშიძის მასწავლებელიც იყო და რომლის ინიციატივითაც დაიწყო ეს სამუშაოები ენგურზე. ამ გამოკვლევების საფუძველზე, თბილისში 1996 წ., ევროსაბჭომ დააარსა „მაღლივი კაშხლების გეოდინამიკური რისკის ცენტრი“, რომლის დირექტორია აკადემიკოსი თ. ჭელიძე. ვ. აბაშიძე ამ ცენტრის დირექტორის მოადგილეა. ცენტრი მონო-დეზუელია დანერგის ენგურზე მიღებული კვლევის შედეგები მსოფლიოს სხვა სახელმწიფოების ანალოგიურ ობიექტებზე. ვ. აბაშიძის ხელმძღვანელობით გეოფიზიკის ინსტიტუტში შესრულებულია ორი



დისერტაცია ფიზ.-მათ. მეცნ. კანდიდატის სამეცნიერო ხარისხების მოსაპოვებლად.

წლების განმავლობაში ბატონი ვახტანგი სამეცნიერო საქმიანობასთან ერთად ეწეოდა საზოგადოებრივ მოღვაწეობას — იყო საზოგადოება „ცოდნის“ ლექტორი, სხვადასხვა რანგის სამეცნიერო კონფერენციათა საორგანიზაციო კომიტეტის წევრი, მრავალი საგანგებო სტატიის ავტორი. მას აქტიური მონაწილეობა მიუღია მრავალ საერთაშორისო თუ ყოფილ საბჭოთა კავშირის ფარგლებში სამეცნიერო კონფერენციების მუშაობაში. მისი უშუალო მონაწილეობით ჯერ ენგურის ხეობაში, 1979 წ. და მერე თბილისში, 2002 წ. ჩატარდა საერთაშორისო კონფერენციები და გამოიცა კონფერენციებზე წარმოდგენილი მოხსენებების შრომათა კრებულები.

1988 წლიდან ვ. აბაშიძე შეთავსებით მუშაობს საქ. ტექნიკურ უნივერსიტეტში. გეოდეზიისა და გეოინფორმატიკის დე-

პარტამენტში, სადაც კითხულობს გეოდეზიური გრაფიკების თეორიულ კურსს და ატარებს პრაქტიკულ მეცადინეობებს. ამ სპეციალობის სტუდენტებისათვის მან გამოსცა ორი სახელმძღვანელო: „ლაბორატორიული პრაქტიკაში გეოდეზიური გრაფიკების“ (1999 წ.) და „გეოდეზიური გრაფიკების მოკლე კურსი“ (2004 წ.) ამ სპეციალობაში იგი ხელმძღვანელობს მაგისტრანტებს და დოქტორანტებს. ამ დროისათვის პოლიტექნიკურ უნივერსიტეტში მისი ხელმძღვანელობით დაცულია 2 დოქტორანტის და 3 მაგისტრანტის სამეცნიერო ხარისხები. 1999 წ. ტექნიკური უნივერსიტეტის სამეცნიერო საბჭომ მას მიანიჭა პროფესორის წოდება.

ვ. აბაშიძე 150 სამეცნიერო შრომის ავტორია. მათ რიცხვში ორი მონოგრაფიაა რუსულ და ინგლისურ ენებზე. 2000 წ. იგი დაჯილდოვდა ღირსების ორდენით, ხოლო უფრო ადრე — 1974 წ. მას მიღებული აქვს მე-9 ხუთწლედში გამარჯვების მედალი, ხოლო 1988 წელს კი თბილისის საქალაქო საბჭოს მიერ შრომის ვეტერანის მედალი. 1994 წ. კოლეგებთან ერთად მას მიღებული აქვს მეცნიერებაში უმაღლესი ჯილდო საქართველოს მეცნიერებისა და ტექნიკის დარგში — სახელმწიფო პრემია. 2015 წ. მშობლიურმა ხარაგაულმა „ხარაგაულის საპატიო მოქალაქის“ წოდება მიანიჭა. 2017 წ. ვ. აბაშიძე აირჩიეს საქართველოს ენერგეტიკის აკადემიის ნამდვილ წევრად, აკადემიკოსად.

უსუსურვით ბატონ ვახტანგს ჯანმრთელობა და მხნეობა, რომ კიდევ დიდხანს გაახაროს ჩვენი საზოგადოება წარმატებული მოღვაწეობით.

ივანე ჯავახიშვილის სახელობის თბილისის სახელმწიფო უნივერსიტეტის მიხეილ ნოდინს სახელობის გეოფიზიკის ინსტიტუტი, საქართველოს გეოფიზიკური საზოგადოება

ქართველოლოგიური ჩარები თურქეთში

გა-15 გვ-დან

არიან თურქეთის სხვადასხვა კუთხეებიდან: რიზე, სტამბოლი, ტრაპიზონი, კონია, ერზურუმი და სხვ. წელს ქალბატონები რუსუდანი და მიაია დაუბრუნდნენ თავიანთ მშობლიურ უნივერსიტეტს საქართველოში, რადგან მათ მონაწილეობა უნდა მიეღოთ აკადემიური თანამდებობების დასაკავებლად გამოცხადებულ კონკურსში, რომელიც წარმატებულად გაიარეს. იმედი უნდა ვიქონიოთ, რომ მომავალში ისინი კვლავ დაუბრუნდებიან რიზეს ქართველოლოგიის ცენტრს. ამასობაში აქ პრივატ-დოცენტის თანამდებობაზე მიიღეს და განყოფილების უფროსადაც დანიშნეს ყარსის კავკასიის სახელობის უნივერ-



დუზჯესა და რიზეს უნივერსიტეტის რექტორები და ნანა კაჭარავა

სიტეტის ქართული ენისა და ლიტერატურის მიმართულების კურსდამთავრებული გულ მუქერემ სეზგინ-ოზთურქი. მან მაგისტრის ხარისხი მოიპოვა თბილისის სახელმწიფო უნივერსიტეტში, ხოლო სადოქტორო ქართულ ლიტერატურაში დაიცვა შოთა რუსთაველის სახ. ბათუმის სახელმწიფო უნივერსიტეტში. პედაგოგთა რიგებს შეემატა აგრეთვე გორის სასწავლო უნივერსიტეტიდან ჩამოსული ნათია მახაჭავიძე. რამდენადაც ჩემთვის ცნობილია, თვით თურქეთის პრეზიდენტის სურვილი გახლდათ მისი სახელობის უნივერსიტეტში გახსნილიყო ქართული ენისა და ლიტერატურის განყოფილება.

და ბოლოს, მეოთხე გახლავთ დუზჯე, რომელიც თურქეთის ყველაზე ახალგაზრდა 81-ე ვილაიეთია. იგი 1999 წლის აგვისტო-ნოემბრის ძლიერი მიწისძვრის შემდეგ გამოეყო ბოლუს პროვინციას. დუზჯე არის ჩრდილოეთ კავკასიიდან გადასახლებული ჩერქეზების, ნეზის თუ უნებლიეთ ემიგრირებული მუჰაჯირი ქართველების, აფხაზების, ოსების ლოკალურად დასახლების რეგიონი. გაგიკვირდებათ, მაგრამ დღევანდელ დუზჯეში დაახლოებით 24 ენა ისმის. სწორედ ამ მრავალფეროვნებამ განაპირობა დუზჯეს უნივერსიტეტში საბუნებისმეტყველო და ჰუმანიტარულ მეცნიერებათა ფაკულტეტზე კავკასიური ენებისა და კულტურების განყოფილების გახსნა, რომელსაც ორი მიმართულება აქვს: ჩერქეზული ენა და ლიტერატურა და ქართული ენა და ლიტერატურა. ორივე მიმართულება გაიხსნა 2013 წელს და, ალბათ, რეგიონის გეოგრაფიული ადგილმდებარეობის დამსახურებაა, რომ პირველივე წელსვე აღმოჩნდნენ ამ მიმართულებებზე სწავლის მსურველი. უნდა აღინიშნოს, რომ ჩერქეზული ენისა და ლიტერატურის განყოფილება პირველია მთელი თურქეთის მასშტაბით. წელს ქ. კაისერის ერჯიესის უნივერსიტეტში გაიხსნა მეორე, კერძოდ, ყაზარდოული

ენისა და ლიტერატურის განყოფილება. ჩერქეზული ენისა და ლიტერატურის განყოფილების პედაგოგ-პროფესორები დუზჯეში არიან ადილეს რეს-პუბლიკის მიაკოვის უნივერსიტეტიდან ჩამოსული პროფესორები, რომლებიც კარგად იცნობენ საქართველოს კავკასიოლოგიურ სკოლას. მათი უფროსი თაობის წარმომადგენლები მირა ხაჩეიზოვა და მირა უნაროკოვა არიან 70 წელს გადაცილებული, დაფასებული ქალბატონები, რომელთაც თბილისში აქვთ დაცული საკანდიდატო დისერტაციები და არიან ჩვენი კორფეების — არნოლდ ჩიქობავასა და გიორგი ჩიტაიას მოწაფეები. ჩერქეზული ენისა და ლიტერატურის განყოფილებას მჭიდრო კავშირი აქვს თბილისის სახელმწიფო უნივერსიტეტის კავკასიოლოგიის კათედრასა (ხელმძღ. პროფ. ცირა ბარამიძე) და ჩერქეზული კულტურის ცენტრთან (ხელმძღ. პროფ. მერაბ ჩუხუა).

დუზჯეს უნივერსიტეტის ქართული ენისა და ლიტერატურის მიმართულება დაწარმოეს სამ ქართველოლოგიის ცენტრთან შედარებით ის უპირატესობა გააჩნია, რომ აქვს როგორც ბაკალავრიატის, ისე მაგისტრატურის სწავლების ორი საფეხური. აქ პედაგოგები არიან: მაკა საღია ბეშიროღლი და მისი თანაკურსელი შორენა ლომაია. ორივე ზუგდიდის დამოუკიდებელი უნივერსიტეტის კურსდამთავრებულია, რომელთაც სადოქტოროები არნ. ჩიქობავას სახ. ენათმეცნიერების ინსტიტუტში დაიცვეს; ახლახან ჩამოვიდა თელავის პედაგოგიური ინსტიტუტის კურსდამთავრებული მარინა სულხანიშვილი, რომელსაც საკანდიდატო დისერტაცია შოთა რუსთაველის სახ. ლიტერატურის ინსტიტუტში აქვს დაცული. აქვე მასწავლებლობს ადგილობრივი, დუზჯელი ეთნიკური ქართველი ფევიჩ ჩელიბი, რომელმაც ამ ზაფხულს დაიცვა სადოქტორო ანდრია პირველწოდებულის სახ. საპატრიარქოს ქართულ უნივერსიტეტში თემაზე — „დუზჯელ ეთ-

ნიკურ ქართველთა მეტყველების ნიმუშები“. აქვე ვმუშაობ მეც — თბილისის სახელმწიფო უნივერსიტეტის ასოც. პროფ. ნანა კაჭარავა.

თურქეთში საქართველოს ელჩის, ბატონი ირაკლი კოპლატაძისა და ჩვენი უნივერსიტეტის რექტორის ბატონი გიორგი შარვაშიძის ურთიერთშეთანხმების საფუძველზე მოხერხდა უნივერსიტეტის 100 წლისთავის იუბილეზე დაპატიჟება ყველა იმ რექტორისა, რომელთა უნივერსიტეტებშიც მოქმედებს ქართული ენისა და ლიტერატურის მიმართულებები თურქეთში. ამათ დამატა პრესტიჟული სტამბოლის, ანკარისა და შაჯეთის უნივერსიტეტების მოწვევა. სამწუხაროდ, იუბილემ თურქეთიდან მხოლოდ ორმა მათგანმა, დუზჯესა და რიზეს უნივერსიტეტების რექტორებმა შეძლეს ჩამოსვლა. იუბილეს დღეებში განახლდა და თავიანთი ხელი მოეწერა ხელშეკრულებას დუზჯესა და თბილისის სახელმწიფო უნივერსიტეტების ორმხრივი თანამშრომლობის შესახებ.

ვფიქრობთ, რომ ჩვენი უნივერსიტეტის თურქოლოგიის კათედრამ, ქართული ენისა და ლიტერატურის კათედრასთან ერთად, მომავალში მჭიდრო ურთიერთობები უნდა იქონიოს თურქეთის სხვადასხვა ქალაქების უნივერსიტეტებში აღმოცენებულ ქართული ენისა და ლიტერატურის ცენტრებთან.

ასოც. პროფ. ნანა კაჭარავა, თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის აღმოსავლეთმცოდნეობის სასწავლო-სამეცნიერო ინსტიტუტის თურქოლოგიის კათედრა, დუზჯეს უნივერსიტეტის საბუნებისმეტყველო-ჰუმანიტარული ფაკულტეტის კავკასიური ენებისა და კულტურების განყოფილება, ქართული ენისა და ლიტერატურის მიმართულება

გახსენება

იურისტის ყველა თაობა „ააოს ეპოქას“ იხსენებს

თბილისის სახელმწიფო უნივერსიტეტის იურიდიული ფაკულტეტი პროფესორ აკაკი ლაბარტყავას „აკაოს ეპოქას“ იხსენებს. პროფესორი აკაკი ლაბარტყავა სასოფლო-სამეურნეო და ეკოლოგიური სამართლის მიმართულეებით მუშაობდა. მისი სამეცნიერო მოღვაწეობის შედეგად შეიქმნა აგრარული და ეკოლოგიური ურთიერთობების სამართლებრივი რეგულირების მდიდარი ბაზა.

პროფესორი აკაკი ლაბარტყავა 1933 წელს აბაშის რაიონის სოფელ სუჯუნაში დაიბადა. 1952 წელს სუჯუნის საშუალო სკოლა დაამთავრა და სამი წლის განმავლობაში (1953-1956 წ.წ.) შვიარალეულ ძალებში მსახურობდა. მომდევნო ორი წელი ფოთის საჯარო ნავსადგურში მუშაობდა. 1959 წლიდან 1964 წლის ჩათვლით თბილისის სახელმწიფო უნივერსიტეტის სტუდენტი გახლდათ, შემდეგ კათედრის თანამშრომელი, დოცენტი და პროფესორი. მან 1975 წელს საკანდიდატო, 1994 წელს კი სადოქტორო დისერტაცია დაიცვა. აკაკი ლაბარტყავა ეკოლოგიურ სამართალში გამოცემული ერთ-ერთი პირველი სახელმძღვანელო ავტორია.

ბის მიმართ მკაცრ, მაგრამ მზრუნველ პედაგოგს. ყველა იმ ადამიანისათვის, რომელსაც შეხება ჰქონია ბატონ კაკოსთან, იგი პატიოსნების, შრომისმოყვარეობისა და მაღალი ზნეობის მისაბაძ მაგალითად დარჩება.

ლადო ჭანტურია, ევროპის ადამიანის უფლებათა დაცვის სასამართლოს მოსამართლე, თბილისის სახელმწიფო უნივერსიტეტის იურიდიული ფაკულტეტის პროფესორი: „პროფესორი აკაკი ლაბარტყავა თბილისის სახელმწიფო უნივერსიტეტის, განსაკუთრებით კი, იურიდიული ფაკულტეტის თვალსაჩინო და გამორჩეული წარმომადგენელი იყო. მისი საუნივერსიტეტო ცხოვრება დაიწყო 1959 წლის 1 სექტემბერს და თბილისის სახელმწიფო უნივერსიტეტი მას გარდაცვალებამდე არ მიუტოვებია. სხვა სამსახური, გარდა თბილისის სახელმწიფო უნივერსიტეტისა, ბატონ აკაკის არ ჰქონია და არც უქმნიან, თუმცა მრავალი სახელმწიფო დანესებულება, განსაკუთრებით სამართალდამცავი ორგანოები, მას მაღალ თანამდებობებს სთავაზობდნენ. ბატონმა აკაკიმ მთელი თავისი ცხოვრება იურიდიულ ფაკულტეტს მიუძღვნა. მრავალი თაობის ქართველი იურისტები სიამოვნებით იხსენებენ ბატონი აკაკის ღვაწლს მათ პროფესიულ დაოსტატებაში. მის მიმართ მოსწავლეების, კოლეგებისა თუ მეგობრების განსაკუთრებული დამოკიდებულება თვალნათლივ გამოჩნდა ბატონი აკაკის დაბადებიდან 80 წლისთავისადმი მიძღვნილი საიუბილეო ღონისძიებების დროს. ბატონი აკაკი სტუდენტების რისხვა, მაგრამ სტუდენტებზე გამორჩეულად მზრუნველი პედაგოგი იყო. შეიძლება მისი მეთოდები დღევანდელი გადმოსახედიდან მიუღებლად ჩანდეს, მაგრამ დისციპლინა, ნესრიგი, პატიოსნება, შრომისმოყვარეობა ბატონი აკაკისთვის წმინდა და ხელუხლებელი ღირებულებები იყო და ამ ღირებულებებს ყველი არ გასდის. ყველა ადამიანი, მით უფრო საზოგადოება, რომელსაც აქვს პრეტენზია - იყოს წარმატებული და პროგრესული, უნდა ეყრდნობოდეს სწორედ ამ ღირებულებებს — ეს არის ბატონი აკაკის მოღვაწეობის მთავარი გაკვეთილი.

ღმერთმა ნათელში ამყოფოს ამ განსაკუთრებული ადამიანისა და პედაგოგის სული. გული მწყდება, რომ თხოვნა ვერ შევუსრულე და ვერ მოვახერხე სუჯუნაში, მის მშობლიურ სკოლაში, მასთან ერთად ჩასვლა“.

რომან შენგელია, იურიდიულ მეცნიერებათა დოქტორი, პროფესორი, თსუ-ის ემერიტუსი, თსუ-ის კერძო სამართლის კათედრის გამგე, იურიდიული ფაკულტეტის ყოფილი დეკანობა



ნი: „პროფესორ აკაკი ლაბარტყავას გარდაცვალება დიდი დანაკლისია არა მარტო იურისტთა კორპორაციისათვის, არამედ განათლების მთელი სისტემისათვის. მისი ცხოვრება და ღვაწლი იმის დასტურია, თუ როგორი ერთგულებით, პატიოსნებით და სპეტაკი სიყვარულით უნდა ემსახუროთ სამშობლოს და სტუდენტის ახალგაზრდობის მაღალკვალიფიციურად აღზრდის საქმეს. იგი სამაგალითო პიროვნება იყო არა მარტო კოლეგებისათვის, არამედ სამართლებრივი განათლების ერთადერთი კერის — თბილისის სახელმწიფო უნივერსიტეტის იურიდიული ფაკულტეტის მრავალი თაობის სტუდენტისათვის. ბატონი აკაკი იყო გამორჩეული მეცნიერ-პედაგოგი და ადმინისტრატორი. როგორც მეცნიერმა, მან თავისი ძალისხმევა მიმართა სასოფლო-სამეურნეო და ეკოლოგიური სამართლის აქტუალური საკითხების კვლევისაკენ. ეს პრობლემატიკა ადრე არაპოპულარულად ითვლებოდა სამართლის სხვა დარგებთან შედარებით, თუმცა უდიდესი მნიშვნელობისა იყო. ამან განაპირობა შესაბამისი კადრების ნაკლებობა. ამ ხარვეზის გამოსწორებას მიუძღვნა მან საკანდიდატო და სადოქტორო დისერტაციები, მონოგრაფიები და სახელმძღვანელოები, აგრეთვე ლექცია-სემინარების მთელი ციკლი. ბატონი აკაკის სამეცნიერო მოღვაწეობის შედეგად შეიქმნა აგრარული და ეკოლოგიური ურთიერთობების, საბაზრო მეურნეობის პირობების შესაბამისი სამართლებრივი რეგულირების მდიდარი ბაზა.

შეიძლება ბატონი აკაკის სამეცნიერო და პედაგოგიური საქმიანობის რომელიმე დეტალი ვერ მოქცეს მავანის ყურადღების ცენტრში, მაგრამ ის, რაც ყველაზე სრულყოფილად წარმოაჩინდა მის პიროვნებას, რაც არასდროს დაავინწყებდათ მის კოლეგებსა და სტუდენტობას, ეს ახალგაზრდობის აღზრდის მისეული მეთოდებია. ლექცია-სემინარების უმიზეზოდ გაცდენების მიუღებლობა, საზოგადოებრივი დავალებების ხარისხიანად შესრულების აუცილებლობა, სწავლების პროცესში დისციპლინის დარღვევისადმი შეურტიგებლობა და სხვა მოთხოვნები იყო მისი ადმინისტრაციული საქმიანობის განმსაზღვრელი მიმართულებები იურიდიული ფაკულტეტის დეკანის მოადგილედ მუშაობისას. იგი იყო მკაცრი და, ამავე დროს, უაღრესად კეთილგანწყობილი თუნდაც სტუდენტური ეთიკის ნორმების დამრღვევების მიმართ. ასეთი მიდგომა ყოველთვის დადებითი შედეგებით მთავრდებოდა. ამიტომ რჩებოდა ბატონი აკაკი ყველა კურსდამთავრებულისათვის საყვარელ პედაგოგად და აღმზრდელად.

ღმერთმა ნათელში ამყოფოს მისი უკვდავი სული“.

მაია ივანიძე, იურიდიული ფაკულტეტის პროფესორი: „ბატონი აკაკი ლაბარტყავასათვის უნივერსიტეტი და საუნივერსიტეტო საქმიანობა პირველადი იყო. იგი ნახევარ საუკუნეზე მეტხანს მოღვაწეობდა თბილისის სახელმწიფო უნივერსიტეტში და ყველა თაობის იურისტისთვის მაღალი ზნეობით, პატიოსნებით, შრომისმოყვარეობით მისაბაძი გახლდათ. მისი 80 წლისთავისადმი მიძღვნილ კრებულში ბატონი აკაკის ცხოვრება და მოღვაწეობა სხვადასხვა თაობის იურისტებმა შემდეგი სიტყვებით შეაფასეს — ჭეშმარიტი მამულიშვილი, პედაგოგი, მეცნიერი.

მართლაც, ბატონი აკაკი თავისი საქმის უზომოდ მოყვარული და გულისხმიერი პიროვნება გახლდათ. იგი სიყვარულით ეწეოდა ისეთ საპატიო საქმიანობას, როგორც ახალგაზრდა თაობის აღზრდა და მათი ცხოვრების გზაზე დაყენება.

როგორც პედაგოგს, ყოველთვის ჰქონდა სტუდენტების სიყვარული და ნდობა. ამას მისი გულწრფელობა, პასუხისმგებლობა და სამართლიანობა განაპირობებდა.

იგი სტუდენტური ცხოვრების სული და გული იყო. თითოეული სტუდენტი მის შინაგან სიტბოს შესანიშნავად გრძნობდა და სიყვარულითა და პატივისცემით პასუხობდა. იგი გასაოცარი მონდომებით გადასცემდა სტუდენტებს ცოდნასა და გამოცდილებას.

მისთვის დამახასიათებელი იყო ხალასი იუმორი და კეთილშობილი ბუნება. ამ თვისებების გამო მას კოლეგები ძალიან ვაფასებდით.

გული მწყდება, რომ უნივერსიტეტში ვეღარ შევხვდები ღირსეულ პედაგოგს, მეცნიერს, სამაგალითო პიროვნებას. ასეთი მოღვაწეები ქმნიან სახეს, სახეს — ნამდვილი პროფესორისა“.

თამარ ზარანდია, იურიდიული ფაკულტეტის დეკანი, ასოცირებული პროფესორი: „ივანე ჯავახიშვილის სახელობის თბილისის სახელმწიფო უნივერსიტეტის იურიდიულ ფაკულტეტს გამოავლდა პროფესორი აკაკი ლაბარტყავა, ადამიანი, რომელმაც მთელი თავისი ცხოვრება უნივერსიტეტს მიუძღვნა და ბოლო დღემდე იურიდიულ ფაკულტეტზე საქმიანობდა. ბატონ აკაკის მოღვაწეობა, ძირითადად, მოუწია საბჭოთა პერიოდში და იგი მიეკუთვნებოდა იმ მცირერიცხოვან ადამიანთა რიცხვს, რომელმაც მოახერხა გამიჯვნოდა იმდროინდელ მანკიერ სისტემას და დარჩენილიყო მაღალი ზნეობის მქონე პატიოსანი ადამიანად. აკაკი ლაბარტყავა წლების მანძილზე შეუცვლელი დეკანის მოადგილე იყო იურიდიული ფაკულტეტზე და ეს პერიოდი, რომელიც ბევრი იმდროინდელი იურისტის მეხსიერებაში „აკაოს ეპოქად“ შემორჩა, გამოირჩეოდა მის მიერ დამკვიდრებული წესრიგითა და დისციპლინით. მრავალი თაობის იურისტი დიდი სიყვარულითა და პატივისცემით იხსენებს მას, როგორც განსაკუთრებული პასუხისმგებლობის მქონე, უაღრესად შრომისმოყვარე და სტუდენტე-

„წრაღვის ღმერთი — ოკუპაციური თერაპიის მხარდასაჭერად“

ოკუპაციური თერაპიის მხარდასაჭერად 70-მდე მონაწილემ შეიკრებიან ღმერთის ტბას. აქცია „წრაღვის ღმერთი — ოკუპაციური თერაპიის მხარდასაჭერად“ ივანე ჯავახიშვილის სახელობის თბილისის სახელმწიფო უნივერსიტეტის ფსიქოლოგიისა და განათლების მეცნიერებათა ფაკულტეტის ოკუპაციური თერაპიის მიმართულების და საქართველოს ოკუპაციური თერაპევტთა ასოციაციის ორგანიზებით გამართა.

გარბენი, რომლის მიზანი ქვეყანაში ოკუპაციური თერაპიის პროფესიის მიმართ ცნობადობის ამაღლება და დარგის პოპულარიზაცია იყო, ოკუპაციური თერაპიის მსოფლიო დღის აღსანიშნავად მოეწყო. ოკუპაციური თერაპევტები ადამიანისთვის მნიშვნელოვან საქმიანობებს თერაპიულ საშუალებად იყენებენ. ოკუპაციური თერაპია პიროვნებაზე ცენტრირებული პროფესიაა,

რომელიც ხელს უწყობს განსხვავებული შესაძლებლობების მქონე პირებს, ანდა მონყვლად ჯგუფებს, ჩაებნენ მათთვის მნიშვნელოვან საქმიანობებში და მოახდინონ საკუთარი თავის რეალიზება.

„გადავწყვიტეთ ეს დღე აღგვნიშნა გარბენით, რომელშიც ნებისმიერი მსურველი მიიღებდა მონაწილეობას. ზოგი დარბოდა იმიტომ, რომ მათი ცხოვრების სტილია, ზოგისთვის გამოწვევა იყო, ზოგიც გასართობად. აქციის მიზანია, რომ მეტმა ახალგაზრდამ გაიგოს — რა არის ოკუპაციური თერაპია და გაიცნოს ახალი საინტერესო პროფესია“, — განაცხადა თსუ-ის ოკუპაციური თერაპიის საბაკალავრო პროგრამის კოორდინატორმა ნინო რუხაძემ.

„დიდი ხანია სისტემატურად დავრბივარ. ჩემთვის სირბილი არის გამოწვევა, რადგან ის ჯანსაღი ცხოვრების წესის პროპაგანდას უწყობს ხელს.



მინდა ყველა ახალგაზრდას მოვუწოდო, რომ ირბინონ და ჯანსაღი ცხოვრება გაითავისონ“, — აღნიშნა გარბენის მონაწილემ ლუკა ჯავახიშვილმა.

საქართველოში დიპლომირებული ოკუპაციური თერაპევტები მხოლოდ თსუ-ის კურსდამთავრებულნი არიან. ოკუპაციური თერაპიის საბაკალავრო პროგრამა თსუ-ში 2006 წლიდან მოქმედებს. დღეს მთელ საქართველოში სულ 31 დიპლომირებული ოკუპაციური თერაპევტია. ღონისძიების ორგანიზატორთა თქმით, აქციის მიზანია გაიზარდოს ოკუპაციური თერაპევტთა რაოდენობა, რაც ქვეყნის განვითარების მაღალი დონის მაჩვენებელია.

ოკუპაციური თერაპევტები ეხმარებიან ადამიანებს, რომლებიც დამოუკიდებლად ვერ ახორციელებენ მათთვის მნიშვნელოვან და საინტერესო საქმიანობას. სიტყვა „occupation“ ინგლისურიდან ითარგმნება როგორც „საქმიანობა“. ღმერთის ტბის გარშემო გამართულ გარბენში სხვადასხვა შესაძლებლობის მქონე პირებმა მიიღეს მონაწილეობა. აქციის მონაწილეები დაჯილდოვდნენ მედლებითა და სიგელებით.



ბაღა ისევ ნავა მთაში...

შოთა მირიანაშვილის პორტრეტი ინტერიერში

„შოთა მირიანაშვილი 2014 წელს ალპინიზმზე გავიცანინი, გუდამაყარში. მაშინ მეც დამწყები მოლაშქრე ვიყავი. მასსოვს, დილით ბანაკში ბავშვებს თავისი ხელით უსწორებდა კარვებს. საოცარი ადამიანია, ჩემზე დიდი შთაბეჭდილება მოახდინა“ — მიყვება თბილისის სახელმწიფო უნივერსიტეტის კურსდამთავრებული, ეკოლოგი რატი გელაშვილი.

თუ თსუ-ის II კორპუსის პირველ სართულს ქვემოთ ჩაუყვებით, ფიზიკის ლაბორატორიების გვერდით 138-ე კაბინეტში აუცილებლად დაგხვდებათ შოთა მირიანაშვილი — ნახევარგამტართა ფიზიკის სამეცნიერო-კვლევითი ინსტიტუტის დირექტორი, რომელიც წლების განმავლობაში თსუ-ის ალპინისტურ კლუბს ხელმძღვანელობდა და 82 წლის ასაკშიც მთის სიყვარულით ცოცხლობს. თსუ-ის გიორგი ნიკოლაძის სახელობის ალპური კლუბის პრეზიდენტი; საბჭოთა კავშირის ჩემპიონი ტრავერსების კლასში; 1960-70 წლებში საქართველოს მთამსვლელობის ნაკრების კაპიტანი და მწვრთნელი; საერთაშორისო მასშტაბით რამდენიმე ათეულზე მეტი ექსტრემალის მარშრუტის ავტორი; 100-ზე მეტი ალპინიზმის ხელმძღვანელი — ეს მისი, როგორც მთამსვლელის „მონაგარია“, ხოლო უშუალოდ, თსუ-ის, შხარა, აილაშა, მახერი, ჯანლა, ნურუნ-გულა, ტიან-შანისა და პამირის მასივი... — მის მიერ დალაშქრული მწვერვალების არასრული ჩამონათვალია.

ჩვენი შეხვედრის დროს შოთა მირიანაშვილი 2 კვირის დაბრუნებული იყო ხდის ხეობიდან, სადაც თსუ-ის ალპური კლუბმა 3600 მეტრი სიმაღლის მწვერვალს ჟიული შარტავას სახელი მიანიჭა.

„სოფელ ახალსოფელში დავიბადე“, — მიაბობს ბატონი შოთა, — „მამა ადრე გარდაიცვალა. გარკვეული პერიოდი სოფელ შილდაში ბებიასთან და ბაბუასთან ვიზრდებოდი, შემდეგ ქალაქში წამოვედი მე და დედა. თბილისის ვაჟთა მეექვსე სკოლა დავამთავრე და ბევრი არც მიფიქრია — თბილისის სახელმწიფო უნივერსიტეტში ფიზიკა-ტექნიკის ფაკულტეტზე ჩავაბარე. ყველაფერი იმით დაიწყო, რომ ჩემს ბიძაშვილს გოგი ოთარაშვილს ალპინიზმზე ყაზბეგში მოუწია წასვლა. იქიდან დაბრუნებული კი მთაზე საოცარი ემოციებით საუბრობდა. ამან ისე ამაფორიაქა, მთელი წელი ველოდებოდი ზაფხულის სეზონის დადგომას და უნივერსიტეტის მორიგ ალპინიზმს.“

პირველად 1953 წელს წავედი მთაში. მაშინ 17 წლის ვიყავი. უნივერსიტეტის რექტორი ნიკო კეცხოველი იყო. ყელის ტბის სათავეებთან ავედი და ერთ-ერთ მწვერვალს „თბილისის სახელმწიფო უნივერსიტეტი“ დავარქვით. შემდეგ მდინარე თერგის სათავეებში გადავედი. ამ ექსპედიციის დროს ნიკო კეცხოველთან ძალიან ახლო ურთიერთობა ჩამომიყალიბდა.

პირველად ჯგუფის ხელმძღვანელობა მწვერვალ „შტავლერზე“ ასვლის დროს მომიწია. მასსოვს, ნისლი იყო. ვიცოდი, რომ ამ გზიდან ცნობილი ქართველი მთამსვლელი ალიოშა ჯაფარიძე სამჯერ მობრუნდა. ძალიან



ენერგიულობდი, მაგრამ მაინც მშვიდობით ავიყვანე გუნდი მწვერვალზე. სწორედ ამ პერიოდში ალპინიზმის დროს გავიცანი მთის ბევრი ჩემი მეწყვილე და შემდეგში მეგობარი. აქ იყო გურამ თიკანაძე — არაჩვეულებრივი ადამიანი და ხელოვანი. სხვათა შორის, 1963 წელს შხარადან მის ჩამოსვენებაშიც ვიღებდი მონაწილეობას. გურამ რჩეულიშვილიც ჩემი ახლობელი იყო. ჩვენ ერთად ავედი დონლუზ-ორუნზე და როგორც შემდეგ აღმოვაჩინე, მის ნოველაში „ასვლა“ ერთ-ერთი პერსონაჟის პროტოტიპი მეც ვარ. თუმცა ამ ექსპედიციაში ჩემი და გურამის აღქმა დიამეტრულად განსხვავებულია და ერთსა და იმავე მოვლენებსა და ფაქტებს სხვაგვარ შეფასებას ვაძლევთ.“

— გვიამბოთ ყველაზე რთული მარშრუტების შესახებ...

— 1979 წელს პამირში 6800-მეტრიან მწვერვალზე ავედი. ძალიან რთული აღმოჩნდა, ბევრი ვინვალეთ, მაგრამ მაინც ავედი. დაშვების დროს 45-მეტრიან ყინულის ვერტიკალზე მოგვიწია გაჩერება. პალოებს ვხსნიდით, როცა მოულოდნელად გუნდის ერთ-ერთმა წევრმა გონება დაკარგა და სამი კაცი ერთად მოვწყდით. სასწაულია, რომ გადავჩინეთ, თოვლის ნამქერში ჩავცვივდით და ამან გადაგვარჩინა.

მძიმედ მახსენდება 1959 წელს ტიან-შანზე გასვლა. გამარჯვების პიკის დალაშქრა გადაწყვიტეთ. ახალი გზაც მოვაშენებდით, მაგრამ იმ პერიოდში მთაზე შუა აზიის სამხედრო ოქტის ნაკრები იმყოფებოდა. ავარია შეემთხვათ და მათ დასახმარებლად წავედი, მაშინ 3 ადამიანი დაიღუპა.

მთაში ძირითადად ახალი მარშრუტების გაკვლავზე ვიყავით ორიენტირებული. ასე ავედი „ცალგმირზე“. მწვერვალ მახერის დასავლეთ წვერზე არავინ იყო ნამყოფი, როცა მე და ირაკლი ბაქრაძემ აქედან დაშვება გადაწყვიტეთ. დაგვაღამდა. ვიფიქრეთ, ე.წ. გლისერით — თოვლზე დატყურებით დავეშვებულებოდით. 3900 მეტრზე ვართ. მომეჩვენა, რომ კლდეები იწყება. წერაყინით თოვლი გავსინჯეთ, საეჭვო არაფერი ეტყობოდა. თურმე წერაყინი ნაპრალებში მოხვდა და სინამდვილეში კლდეზე ვართ, რომელზეც მხოლოდ 10 სანტიმეტრიანი თოვლია. დავცურედი, წერაყინი გამივარდა და ირაკლიც მოვწყვიტე. გონს რომ მოვედი, ისევ მივსრიალებდი ყინულის კულუარში, რომელიც უზარმაზარი ლოდით იყო

ჩაკეტილი. შემთხვევით გაჩერება მოვახერხე და ნახევარზე თოვლში ჩავვარდი. ირაკლისაც იგივე დაემართა. ვერ ვიჯერებდით, რომ გადავჩინეთ — აღმოჩნდა, რომ 2 კილომეტრის სიგრძეზე ვერტიკალურად თოვლზე „ვიფრინეთ“. სასწაული იყო.

სამოცამდე ქართველი მთაში დაღუპული. ნინასწარ არასდროს იცი, რა მოხდება. 1980 წელს მწვერვალ „რასიაზე“ 4 კაციანი ექსპედიცია აღიარდა, მე მეორე მწვერვალიდან ვაკვირდებოდი მათ გადაადგილებას, მეორე დამეს ისინი საბანაკეზე ვეღარ შევაჩინე. სასწრაფოდ უკან დავბრუნდით, მაგრამ მარშრუტის ძირში სამივე დაღუპული დაგვხვდა. გუნდის მეოთხე წევრის სხეულიც ვერ იპოვეს. დღემდე ბევრი რამ დარდა და მანეს და არის რაღაცები, რაც ვერ მიპატიება ჩემი თავისთვის.

— 65 წელია მთაში ხართ. რა არის ყველაზე რთული ალპინიზმი?

— რეალურად ალპინიზმი ბუნებასთან პაექრობაა. სპორტის სხვა სახეობებისგან განსხვავებით, ბუნება შეცდომებს არ გაბატობს. ძალიან კარგად უნდა იცნობდე როგორც საკუთარ თავს, ისე შენს მეწყვილეს, რომელიც მთაში გვერდით გიდგას. შეიძლება ზოგჯერ ისეთ კომპრომისზე მოგიწიოს წასვლა, რომელსაც სხვა დროს ვერ გაბედავდი. მთელი ცხოვრება ქეშმარიტ ალპინისტად მაინც ის მთამსვლელი მიმაჩნია, რომელმაც საკუთარი ბილიკები დატოვა მწვერვალზე და რომელსაც სხვების გაკვლეული გზებით არ უვლია.

ქართველ მთამსვლელთა თაობის 75% თსუ-ის ალპურ კლუბშია გაზრდილი. წელიწადში 4 ალპინიზმის ვაქანები. მთელი ამ წლების მანძილზე 20 ათასზე მეტი სტუდენტი ნავიყვანე მთაში, რაც ჩემი ცხოვრების მთავარ მიღწევად მიმაჩნია. მწვერვალის დაპყრობის შემდეგ ბევრს ბარშიც შეხვედრივარ და ხშირად უთქვამთ, რომ მწვერვალზე ასვლის ემოცია ყველაზე ძლიერი ემოცია იყო მათ ცხოვრებაში, როცა საკუთარ სამშობლოს მთის წვერიდან უყურებდნენ. ამ გზით ადამიანს თავისი ქვეყანა სხვანაირად უყვარდება. მთელი გზა მწვერვალამდე ფსიქოლოგიურად გცვლის და ახალ ნიშანს გამოვინებებს საკუთარ თავში.“

შეხვედრის დასასრულ, ბატონი შოთას მეგობრები და ფიზიკოსები შემოგვიერთდნენ. მითხრეს, რომ ყველაფერთან ერთად შოთა მირიანაშვილი არაჩვეულებრივი ლექტორი, მეცნიერი და ფოტოგრაფიცაა. სამუშაო მაგიდის გვერდით მთის ჩანთები ეწყო, კედელზე რკინის კარბინები და პალოები დამაგრებინა. დამშვიდობებამდე, სანამ კითხვას დავუსვამდი, მითხრა, რომ ბევრი გეგმა აქვს. დიდ ქართველ მთამსვლელს ალიოშა ჯაფარიძესა და გიორგი ნიკოლაძეს თავისი სახელობის მწვერვალები არ აქვთ და ამ საქმეს უნდა მივხედო.

ვიცი, რომ შოთა მირიანაშვილს არასდროს უფიქრია მწვერვალების მიტოვებაზე და მალე ისევ ნავა მთაში.

**თამარ ჩხიკვაძე,
თსუ-ის პუმნიტარულ მეცნიერებათა
ფაკულტეტის სტუდენტი**



მთავარი რედაქტორი
ნინო კაკულია

მთავარი სამცხალისტი
მაია ტორაძე

ტექნიკური რედაქტორი
მანანა ჯურხაძე

წარმომადგენელი:
ნატო ობოლაძე
თამარ დადიანი
შურთხია ბეროშვილი

ფოტოკორექტორი
ანა ბოლქვაძე

კომპ. უზრუნველყოფა
ზაზა გულაშვილი

რედაქციის წევრები:

იაგო კაჭკაჭიშვილი,
მანანა შამილიშვილი,
თინათინ მარგალიტაძე,
თინათინ ბოლქვაძე,
ეთერ ხარაიშვილი,
რევაზ გველესიანი,
ირაკლი იმედაძე,
გიორგი ჯიანი,
თემურ ნადარეიშვილი,
მორის შალიკაშვილი,
მაია ივანიძე,
ვლადიმერ მარგველაშვილი,
გიორგი ლობჯინიძე,
ეკა კვიციანი

მისამართი:
ილია ჭავჭავაძის გამზ. 13
(თსუ-ის მე-3 კორპუსი)

2 22 36 62

გვებგვერდი:
newspaper.tsu.edu.ge

ელ.ფოსტა:
tsunewspaper@tsu.edu.ge



**2017 წლის
1 ოქტომბრიდან
ბაღაშა „უნი-პრესა“
ბაღის რეგიონულ
ბავიზიზიზიში, რასაც
საქართველოს
რეგიონულ
აუწყებალთა ასოციაცია
უზრუნველყოფს (თსუ-სა
და საქართველოს
რეგიონულ აუწყებალ-
თა ასოციაციასთან
გაფორმაებული მემო-
რანდუმის თანახმად).**

